



Broj: 02-04-15280-2/23
Sarajevo, 27.04.2023. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **Petoj** sjednici održanoj **27.04.2023.** godine, donijela je

ZAKLJUČAK

1. Utvrđuje se nacrt Zakona o prekršajima protiv javnog reda i mira na području Kantona Sarajevo.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16 9/20, 14/20, 16/22 i 17/22 - Ispravka) utvrdi nacrt Zakona o prekršajima protiv javnog reda i mira na području Kantona Sarajevo i odredi da se provede javna rasprava u trajanju od 30 dana.

PREMIJER

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo unutrašnjih poslova Kantona Sarajevo,
6. Evidencija,
7. A r h i v a.

Na osnovu člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana __. __. ____ . godine, donijela je

NACRT

Z A K O N

O PREKRŠAJIMA PROTIV JAVNOG REDA I MIRA NA PODRUČJU KANTONA SARAJEVO

DIO PRVI – OPĆE ODREDBE

Član 1.

(Predmet)

Ovim zakonom uređuje se javni red i mir na području Kantona Sarajevo, utvrđuju prekršaji protiv javnog reda i mira i prekršajne sankcije koje se izriču počiniocima prekršaja, postupak za priređivanje bakljade, vatrometa i sličnih priredbi, postupak za prikupljanje dobrovoljnih priloga od građana, državnih organa i pravnih lica, kao i druga pitanja od značaja za oblast javnog reda i mira.

Član 2.

(Javni red i mir)

Javni red i mir, u smislu odredbi ovog zakona, je usklađeno stanje međusobnih odnosa građana, nastalo njihovim ponašanjem na javnom mjestu i djelovanjem organa i organizacija koje vrše javna ovlaštenja radi obezbjeđenja jednakih uslova za ostvarivanje ustavima i međunarodnim konvencijama zajamčenih ljudskih prava i osnovnih sloboda.

Član 3.

(Definicija prekršaja protiv javnog reda i mira)

(1) Prekršaji protiv javnog reda i mira su radnje i postupci kojima se na nedozvoljen način:

- a) remeti mir, rad i normalan način života građana,
- b) stvara neraspoloženje, uznemirenost ili panika kod građana,
- c) ometa kretanje građana na ulicama i drugim javnim mjestima,
- d) ugrožava sigurnost ljudi i imovine,
- e) ometa ostvarivanje prava i dužnosti građana,
- f) vrijeđa društveni moral,
- g) vrijeđaju ili omalovažavaju državna obilježja i simboli različitih nivoa vlasti,
- h) ugrožavaju zakonito naložene mjere od strane državnog ili drugog nadležnog organa koje idu u pravcu sigurnosti i zaštite građana,
- i) ne poštuje ili sprečava ili ometa ili omalovažava izvršenje zakonito naloženih mjera državnih ili drugih nadležnih organa i službenih lica,
- j) lažno predstavlja ili prikriva identitet prilikom činjenja prekršaja ili lažno prijavljuje narušavanje javnog reda i mira,
- k) vrijeđaju vjerska, nacionalna, rasna i rodna osjećanja građana,
- l) čine prekršaji protiv interesa maloljetnika i drugih kategorija lica i
- m) na drugi način narušava javni red i mir građana propisan ovim zakonom ili odlukama ovlaštenih organa iz člana 53. ovog zakona.

- (2) Prekršaji protiv javnog reda i mira iz stava (1) ovog člana, mogu biti učinjeni i putem sredstava javnog informisanja, društvenih mreža ili drugih sličnih sredstava elektronske komunikacije.

Član 4.
(Prekršajne sankcije)

Za prekršaje protiv javnog reda i mira propisane ovim zakonom mogu se izreći sljedeće prekršajne sankcije:

- a) novčana kazna i
- b) zaštitna mjera.

Član 5.
(Javno mjesto)

- (1) Pod javnim mjestom, u smislu ovog zakona, smatra se mjesto na koje je slobodan pristup neodređenom broju lica, bez ikakvih uslova (ulice, trgovi, javni putevi, parkovi, izletišta, čekaonice, ugostiteljske, trgovinske i zanatske radnje i sl.) ili pod određenim uslovima (sportski stadioni i igrališta, bioskopske, pozorišne i koncertne sale, izložbene prostorije i sl.), kao i druga mjesta koja u određenom vremenskom periodu služe za ovakve svrhe (zemljišta, prostori ili prostorije u kojima se održavaju javni skupovi, takmičenja i sl.).
- (2) Smatraće se da je prekršaj iz ovog zakona izvršen na javnom mjestu i kad je radnja izvršena na mjestu koje se u smislu stava (1) ovog člana ne smatra javnim mjestom, ako je to mjesto dostupno vidiku ili sluhu sa javnog mjesta (balkoni, terase, hodnici, dvorišta i sl.) ili ako je posljedica nastupila na javnom mjestu ili ako je učinjen putem sredstava javnog informisanja, društvenih mreža ili drugih sličnih sredstava elektronske komunikacije.

Član 6.
(Postupak u prekršajnim i krivičnim predmetima kada postoji mogućnost povrede načela “ne bis in idem”)

U situacijama kada postoji mogućnost povrede načela “ne bis in idem”, odnosno kada jedan događaj sadrži elemente prekršaja i/ili krivičnog djela, policijski službenik postupuje u skladu s odredbama Uputstva Ministarstva unutrašnjih poslova Kantona Sarajevo za postupanje u krivičnim i prekršajnim predmetima kada postoji mogućnost povrede načela ne bis in idem.

Član 7.
(Značenje izraza)

Pojedini izrazi upotrijebljeni u ovom zakonu imaju sljedeće značenje:

- a) ovlašteni organ je nadležni policijski organ u Kantonu Sarajevo, odnosno Uprava policije,
- b) policijski službenik je osoba zaposlena u Upravi policije čija je definicija propisana odredbama Zakona o policijskim službenicima Kantona Sarajevo („Službene novine Kantona Sarajevo“, br. 38/18, 26/19 i 39/20),
- c) lice kojem je povjereno vođenje samostalne poslovne djelatnosti-obrta, je lice koje je, u trenutku vršenja prekršaja, zatečeno u ugostiteljskom ili drugom objektu da pruža usluge u skladu sa namjenom objekta,
- d) grupa je najmanje tri lica koja zajednički počine prekršaj,
- e) mlađi maloljetnik je maloljetnik koji je, u vrijeme izvršenja prekršaja ili zaticanja od strane policijskog službenika na javnom mjestu, navršio 14 godina, a nije navršio 16 godina života,

- f) stariji maloljetnik je maloljetnik koji je, u vrijeme izvršenja prekršaja ili zaticanja od strane policijskog službenika na javnom mjestu, navršio 16 godina života, a nije navršio 18 godina života,
- g) svađa je žučno kazivanje riječi između dva ili više lica na način i sa intenzitetom da to uznemirava građane i narušava red i sigurnost građana,
- h) vika (galama, vriska i sl.) je verbalna radnja izvršena neuobičajenim puštanjem glasova takvog intenziteta da se upravo time uznemiravaju građani ili narušava red i mir i sigurnost građana,
- i) nepristojno ili drsko ponašanje je verbalna ili realna radnja, odnosno izražavanje riječima ili ispoljavanje fizičkog ponašanja na upadljiv i neprimjeren način ili gestikulacija, grimasa ili drugi pokret kojima se izražava uvreda ili provokacija na javnom mjestu, koje prema općem shvatanju sredine predstavlja narušavanje najelementarnijih pravila ponašanja, društvenog morala i društveno potvrđenih odnosa među ljudima i u društvu, u takvoj mjeri, da za posljedicu imaju stanje kojim se izaziva uznemirenje ili negodovanje ili ugrožava spokojstvo građana,
- j) prijetnja je psihička prinuda koja kao takva djeluje na lice tako da ono osjeća ugroženost za svoj život ili tijelo, tj. za ličnu sigurnost (u pogledu tjelesnog integriteta) ili imovinu, zavisno od izraženog smjera i intenziteta prijetnje ili da osjeća ugroženost za život ili tijelo ili imovinu njemu bliske osobe. U suštini, prijetnjom kao radnjom izvršenja stavlja se u izgled drugom kakvo zlo (napad na njegov život ili tijelo ili imovinu, odnosno njemu bliske osobe) koje kao takvo ugrožava ličnu sigurnost ili izaziva osjećanje ugroženosti, jer je podobno da izazove ugrožavanje koje lice osjeća. Prijetnja postoji ako je ozbiljna, odnosno ako je lice kojem se prijeti shvati kao ozbiljnu, stvarnu i ostvarljivu,
- k) skitnja je pojava u kojoj lice, po pravilu bez sredstava za život, luta od mjesta do mjesta ili tako postupa u jednom mjestu i na taj način provodi život u besposličenju,
- l) prostitucija je individualni čin ili ustaljena praksa žene ili muškarca koji dopušta bilo kojoj osobi istog ili suprotnog spola, bez posebnih uslova ili uz postavljanje određenih uslova (mjesto, vrijeme, način i dr.), da za određeni dogovoreni iznos imaju spolni odnos,
- m) prosjačenje je traženje milostinje od drugog u novcu ili kakvoj drugoj koristi,
- n) hazardna igra je igra u novcu ili kojoj drugoj vrijednosti, igrana, priredena ili organizovana od strane neovlaštenih lica ili grupe lica, tako da igra gubi društveno-zabavni karakter. To je svaka igra u novac ili druge stvari od vrijednosti sa isključivim ciljem da se postigne novčana ili imovinska korist,
- o) buka je svaki neželjen i štetan zvuk jakog intenziteta, uzimajući u obzir vrijeme i mjesto gdje nastaje u sredini u kojoj ljudi borave i rade,
- p) izvor buke je svaki objekat sa sredstvima za rad i transport, uređajima, instalacijama, te bučne aktivnosti ljudi (izvođenje ili reprodukcija muzičkih i drugih sadržaja, korišćenje muzičkih instrumenata, radio i televizijskih prijemnika i drugih zvučnih uređaja, kao i rad motornog vozila, prijevoz, utovar, istovar, upotreba sirene, rukovanje predmetima ili na drugi način) i životinja (glasanje domaćih i divljih životinja), kao i drugi objekti i radnje od kojih se širi zvuk jakog intenziteta,
- r) sredinom u kojoj ljudi borave i rade smatra se svaki otvoreni i zatvoreni prostor u naseljima i izvan naselja u kojima se ljudi zadržavaju radi boravka, rada, edukacije, odmora i rekreacije.
- s) fizički napad na drugog predstavlja takvu nezakonitu radnju koja se sastoji u fizičkom napadu i kontaktu ili inicijativi napada koja se ogleda u pokretu i udaru kojim se drugo lice prisiljava na odbranu, nameće mu se borba ili traži njeno sprječavanje u takvoj situaciji. Napadač radnju može izvršiti sa ili bez pomoćnih sredstava (predmeta),
- t) učestvovanje u tuči jeste bilo koja fizička radnja kojom lice aktivno djeluje u tuči na bilo koji način. U tuči moraju učestvovati najmanje dva lica, a svaki od učesnika u tuči je izvršilac prekršaja,
- u) zlostavljanje se čini riječima i djelom i pritom se od strane izvršioca lice stavlja u podređen položaj i stanje u mjeri u kojoj se nipodaštava njegovo ljudsko dostojanstvo,
- v) izazivanje tuče je verbalno ili realno ponašanje lica prema drugima koje dovodi do takvog stanja koje za posljedicu ima negodovanje građana ili u ugrožavanje njihovog mira,

- z) nargila je fabrički napravljena naprava, kao i svaka druga improvizovana naprava, koja je namijenjena radi konzumiranja aromatiziranog duhana ili drugih supstanci pušenjem, na način da se dim sagorjelog duhana ili drugih supstanci hladi u vodi koja se nalazi u toj napravi,
- aa) opojna droga je svaka supstanca prirodnog ili vještačkog porijekla koja je uvrštena u listu opojnih droga u skladu sa međunarodnim konvencijama o kontroli opojnih droga ili na osnovu odluke nadležnog organa u Bosni i Hercegovini,
- bb) psihotropna supstanca je svaka supstanca prirodnog ili vještačkog porijekla koja je uvrštena u listu psihotropnih supstanci u skladu sa međunarodnim konvencijama o kontroli opojnih droga ili na osnovu odluke nadležnog organa u Bosni i Hercegovini i
- cc) opasna ili potencijalno opasna životinja je ona vrsta životinje od koje postoji ili ne postoji rizik da prema svojim prirodnim/urođenim sklonostima ispoljava sklonost za napad na čovjeka kojim mu može nanijeti tjelesne povrede ili ga usmrtili.

Član 8.

(Ravnopravnost spolova)

Gramatička terminologija korištenja muškog ili ženskog spola u ovom zakonu podrazumijeva uključivanje oba spola.

DIO DRUGI – PREKRŠAJI PROTIV JAVNOG REDA I MIRA I PREKRŠAJNE SANKCIJE

POGLAVLJE I – OSNOVNI PREKRŠAJI PROTIV JAVNOG REDA I MIRA

Član 9.

(Svađa, vika, nepristojno ili drsko ponašanje)

- (1) Ko na javnom mjestu narušava javni red i mir svadom, vikom, nepristojnim ili drskim ponašanjem, kazniće se novčanom kaznom od 100 do 300 KM.
- (2) Ko se na javnom mjestu nepristojno ili drsko ponaša na način da vrši fiziološku potrebu ili izloži intimne dijelove tijela pogledu drugih, kazniće se novčanom kaznom od 200 do 600 KM.

Član 10.

(Naročito drsko ponašanje)

- (1) Ko na javnom mjestu naročito drskim ponašanjem, odnosno grubim vrijeđanjem drugog lica ili drugim bezobzirnim ponašanjem ugrožava sigurnost ljudi ili izaziva osjećanje fizičke ugroženosti ili uznemirenosti ili negodovanje lica, kazniće se novčanom kaznom od 400 do 1.200 KM.
- (2) Vozač motornog vozila koji nepropisno zaustavi ili parkira motorno vozilo na javnom mjestu ispoljavajući time naročito drsko i bezobzirno ponašanje, jer tom svojom radnjom onemogućava ili otežava normalno odvijanje saobraćaja, kazniće se novčanom kaznom od 400 do 1.200 KM.

Član 11.

(Ozbiljna prijetnja)

- (1) Ko ugrožava sigurnost ili izaziva osjećanje ugroženosti drugog lica prijetnjom da će napasti na njegov život, tijelo ili imovinu ili život, tijelo ili imovinu njemu bliskog lica, kazniće se novčanom kaznom od 500 do 1.500 KM.
- (2) Ko prekršaj iz stava (1) ovog člana počini u grupi ili ga počini uz upotrebu maske ili drugog podobnog predmeta radi prikrivanja identiteta, kazniće se novčanom kaznom od 700 do 2.100 KM.
- (3) Prekršaj iz stava (1) ovog člana može se počinuti i putem sredstava javnog informisanja, društvenih mreža ili drugih sličnih sredstava elektronske komunikacije.

Član 12.
(Skitnja)

Ko se na javnom mjestu odaje skitnji, kazniće se novčanom kaznom od 300 do 900 KM.

Član 13.
(Prostitucija)

- (1) Ko se odaje prostituciji ili ko koristi usluge prostitucije, kazniće se novčanom kaznom od 500 do 1.500 KM.

Član 14.
(Prosjačenje)

- (1) Ko prosjači kazniće se novčanom kaznom od 400 do 1.200 KM.
- (2) Ko organizuje prosjačenje ili ko drugog navodi na prosjačenje, kazniće se novčanom kaznom od 600 do 1.800 KM.
- (3) Ko organizuje prosjačenje ili ko navodi na prosjačenje maloljetno lice ili duševno bolesno lice ili lice zaostalog duševnog razvoja, kazniće se novčanom kaznom od 700 do 2.100 KM.
- (4) Ko licu iz stava (1) ovog člana na javnom mjestu daje milostinju u novcu, kazniće se novčanom kaznom od 400 do 1.200 KM.

Član 15.
(Prodaja na raskrscima, saobraćajnicama ili drugim javnim mjestima)

- (1) Ko prodaje ili nudi stvari (maramice, košpice, olovke i sl.) na raskrscima, saobraćajnicama ili drugim javnim mjestima bez odobrenja nadležnog organa, kazniće se novčanom kaznom od 400 do 1.200 KM.
- (2) Ko kupuje stvari iz stava (1) ovog člana, pa usljed toga dođe do ometanja normalnog odvijanja saobraćaja ili kretanja građana, kazniće se novčanom kaznom od 400 do 1.200 KM.

Član 16.
(Neovlaštena prodaja, kupovina ili nuđenje novca ili hartija od vrijednosti ili karti za prijevoz ili ulaznica)

Ko neovlašteno na javnom mjestu prodaje, nudi ili kupuje domaći ili strani novac ili hartije od vrijednosti ili karte za prijevoz ili ulaznice, kazniće se novčanom kaznom od 400 do 1.200 KM.

Član 17.
(Preprodaja ulaznica)

- (1) Ko na javnom mjestu vrši, organizuje ili omogućava preprodaju ulaznica za sportske i druge priredbe po cijenama višim od označenih, kazniće se novčanom kaznom od 400 do 1.200 KM.
- (2) Za prekršaj iz stava (1) ovog člana kazniće se pravno lice novčanom kaznom od 3.000 do 9.000 KM.
- (3) Za prekršaj iz stava (1) ovog člana kazniće se odgovorno lice u pravnom licu novčanom kaznom od 500 do 1.500 KM.

Član 18.
(Igranje hazardnih igara)

- (1) Ko igra hazardnu ili drugu sličnu igru za novac ili drugu korist tako da igra gubi društveno-zabavni karakter, kazniće se novčanom kaznom od 400 do 1.200 KM.
- (2) Ko organizuje ili navodi druge da igraju ili ko prodaje, ustupi ili iznajmi prostorije u svrhu igranja hazardne ili druge slične igre iz stava (1) ovog člana, osim u slučajevima igranja hazardne ili druge slične igre koja se odvija u objektima ili prostorijama koje su registrovani za tu vrstu djelatnosti, kazniće se novčanom kaznom od 500 do 1.500 KM.

- (3) Ko omogućava ili navodi lice mlade od 18 godina da igra hazardnu ili drugu sličnu igru iz stava (1) ovog člana, uključujući i objekte ili prostorije koje su registrovane za tu vrstu djelatnosti, kazniće se novčanom kaznom od 600 do 1.800 KM.
- (4) Za prekršaje iz st. (2) i (3) ovog člana kazniće se pravno lice ili lice koja obavlja samostalnu poslovnu djelatnost-obrt, novčanom kaznom od 4.000 do 12.000 KM.
- (5) Za prekršaje iz st. (1), (2) i (3) ovog člana kazniće se odgovorno lice u pravnom licu ili lice koje obavlja samostalnu poslovnu djelatnost-obrt, odnosno lice kojem je povjereno vođenje samostalne poslovne djelatnosti-obrta, novčanom kaznom od 600 do 1.800 KM.

Član 19.

(Pirotehnička sredstava)

- (1) Ko na javnom mjestu, bez odobrenja nadležnog organa, pali, posjeduje, ustupa, prodaje, kupuje ili nudi petarde ili druga pirotehnička sredstva, kazniće se novčanom kaznom od 400 do 1.200 KM.
- (2) Za prekršaj iz stava (1) ovog člana kazniće se pravno lice ili lice koja obavlja samostalnu poslovnu djelatnost-obrt, novčanom kaznom od 3.000 do 9.000 KM.
- (3) Za prekršaj iz stava (1) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 500 do 1.500 KM.

Član 20.

(Priređivanje bakljada, vatrometa i sličnih priredbi)

- (1) Ko priredi bakljadu, vatromet ili sličnu priredbu bez propisane najave ili mimo zabrane nadležnog organa ili ko ne preduzme mjere osiguranja koje je dužan preduzeti ili koje mu je naložio ovlašteni organ, kazniće se novčanom kaznom od 600 do 1.800 KM.
- (2) Za prekršaj iz stava (1) ovog člana kazniće se pravno lice ili lice koja obavlja samostalnu poslovnu djelatnost-obrt, novčanom kaznom od 5.000 do 15.000 KM.
- (3) Za prekršaj iz stava (1) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 700 do 2.100 KM.

Član 21.

(Stvaranje buke)

- (1) Ko, u vremenskom periodu od 22,00 do 06,00 sati, narušava javni red i mir u sredinama u kojima ljudi borave i rade stvaranjem buke putem različitih izvora buke, kazniće se novčanom kaznom od 500 do 1.500 KM.
- (2) Ne smatraju se prekršaji iz stava (1) ovog člana redovne aktivnosti vjerskih zajednica, kao i aktivnosti na uklanjanju posljedica elementarnih nepogoda i pri drugim izvanrednim događajima ili okolnostima koje mogu izazvati veće materijalne štete, ugrožavati živote i zdravlje ljudi, te narušavati okoliš u većim razmjerama.
- (3) Za prekršaj iz stava (1) ovog člana kazniće se pravno lice ili lice koja obavlja samostalnu poslovnu djelatnost-obrt, novčanom kaznom od 4.000 do 12.000 KM.
- (4) Za prekršaj iz stava (1) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 600 do 1.800 KM.

Član 22.

(Tuča, fizički napad ili zlostavljanje drugog)

- (1) Ko na javnom mjestu narušava javni red i mir fizičkim napadom ili zlostavljanjem drugog, kazniće se novčanom kaznom od 600 do 1.800 KM.
- (2) Ko na javnom mjestu narušava javni red i mir učestvovanjem u tuči, kazniće se novčanom kaznom od 600 do 1.800 KM.

- (3) Ko na javnom mjestu narušava javni red i mir izazivanjem ili navođenjem drugog na fizički napad ili zlostavljanje drugog ili tuču, kazniće se novčanom kaznom od 600 do 1.800 KM.
- (4) Ko na bilo koji način organizuje fizički napad ili zlostavljanje drugog ili tuču, bez obzira na to da li je do fizičkog napada ili zlostavljanja drugog ili tuče došlo, kazniće se novčanom kaznom od 700 do 2.100 KM.
- (5) Ko prekršaje iz st. (1), (2), (3) i (4) ovog člana počini u grupi ili ga počini uz upotrebu maske ili drugog podobnog predmeta radi prikrivanja identiteta, kazniće se novčanom kaznom od 700 do 2.100 KM.

Član 23.

(Propuštanje prijavljivanja narušavanja javnog reda i mira u ugostiteljskom objektu)

- (1) Pravno lice i odgovorno lice u tom pravnom licu, lice koje obavlja samostalnu poslovnu djelatnost-obrt, odnosno lice kojem je povjereno vođenje samostalne poslovne djelatnosti-obrta, dužni su preduzimati mjere za održavanje javnog reda i mira u njihovim poslovnim prostorijama kada je to moguće, bez opasnosti za sebe ili druge, i slučajeve narušavanja javnog reda i mira odmah prijaviti policijskoj upravi ili policijskom službeniku.
- (2) Pravno lice ili lice koje obavlja samostalnu poslovnu djelatnost-obrt koji ne postupi po odredbama stava (1) ovog člana, kazniće se novčanom kaznom od 3.000 do 9.000 KM.
- (3) Odgovorno lice u pravnom licu ili lice kojem je povjereno vođenje samostalne poslovne djelatnosti-obrta koji ne postupe po odredbama stava (1) ovog člana, kazniće se novčanom kaznom od 500 do 1.500 KM.

Član 24.

(Vrijedanje osjećanja građana iz mržnje)

- (1) Ko na javnom mjestu iz mržnje vrijeđa osjećanje građana i time izazove njihovu nelagodu ili uznemirenost, kazniće se novčanom kaznom od 600 do 1.800 KM.
- (2) Za prekršaj iz stava (1) ovog člana kazniće se pravno lice novčanom kaznom od 5.000 do 15.000 KM.
- (3) Za prekršaje iz stava (1) ovog člana kazniće se odgovorno lice u pravnom licu novčanom kaznom od 700 do 2.100 KM.
- (4) Prekršaj iz stava (1) ovog člana, može se počiniti i putem sredstava javnog informisanja, društvenih mreža ili drugih sličnih sredstava elektronske komunikacije.
- (5) Ko prekršaj iz stava (1) ovog člana počini u grupi ili ga počini uz upotrebu maske ili drugog podobnog predmeta radi prikrivanja identiteta, kazniće se novčanom kaznom od 700 do 2.100 KM.

POGLAVLJE II – PREKRŠAJI PROTIV FUNKCIONISANJA DRŽAVNIH ORGANA I JAVNIH SLUŽBI

Član 25.

(Isticanje zastave ili grba)

- (1) Ko pod vidom zastave ili grba Bosne i Hercegovine ili Federacije Bosne i Hercegovine ili Kantona Sarajevo na javnom mjestu ističe zastavu ili grb koji ne sadrže obilježja propisana ustavom i zakonom Bosne i Hercegovine ili Federacije Bosne i Hercegovine ili Kantona Sarajevo, kazniće se novčanom kaznom od 100 do 400 KM.
- (2) Za prekršaj iz stava (1) ovog člana kazniće se pravno lice novčanom kaznom od 1.500 do 7.500 KM.
- (3) Za prekršaj iz stava (1) ovog člana kazniće se odgovorno lice u pravnom licu novčanom kaznom od 300 do 750 KM.
- (4) Za prekršaj iz stava (1) ovog člana kazniće se i odgovorno lice u organu uprave i drugom organu, odnosno organu Grada Sarajeva i općine sa teritorije Kantona Sarajevo, novčanom kaznom od 300 do 750 KM.

Član 26.

(Uništenje ili oštećenje novca Bosne i Hercegovine)

Ko na javnom mjestu pocijepa ili na drugi način uništi ili ošteti novac Bosne i Hercegovine, kazniće se novčanom kaznom od 400 do 1.200 KM.

Član 27.

(Neovlašteno uništenje, cijepanje ili isticanje javno istaknutih objava, oglasa ili predmeta)

- (1) Ko neovlašteno uništi, pocijepa ili na drugi način ošteti javno istaknute objave, oglase ili predmete koje su, u skladu sa propisima, postavili državni organi, pravna lica ili fizička lica ili ko spriječi njihovo isticanje ili ih ističe suprotno propisima, kazniće se novčanom kaznom od 400 do 1.200 KM.
- (2) Za prekršaj iz stava (1) ovog člana kazniće se pravno lice ili lice koje obavlja samostalnu poslovnu djelatnost-obrt, novčanom kaznom od 3.000 do 9.000 KM.
- (3) Za prekršaj iz stava (1) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 500 do 1.500 KM.

Član 28.

(Nepostupanje po naredbama, rješenjima i drugim obavezujućim aktima nadležnih organa)

- (1) Ko ne postupi po naredbi ili rješenju nadležnog organa kojim se ograničava ili zabranjuje pristup, kretanje ili zadržavanje lica na određenom mjestu ili ko se ne udalji iz grupe koju je policijski službenik pozvao da se razide, kazniće se novčanom kaznom od 600 do 1.800 KM.
- (2) Ko ne postupi po naredbi nadležnog organa kojim se propisuju mjere za zaštitu stanovništva od zaraznih bolesti, kazniće se novčanom kaznom od 600 do 1.800 KM.
- (3) Za prekršaje iz st. (1) i (2) ovog člana kazniće se pravno lice ili lice koje obavlja samostalnu poslovnu djelatnost-obrt, novčanom kaznom od 5.000 do 15.000 KM.
- (4) Za prekršaje iz st. (1) i (2) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 700 do 2.100 KM.

Član 29.

(Sprječavanje, ometanje ili omalovažavanje državnih organa i drugih pravnih lica ili njihovih službenih, odnosno odgovornih lica)

- (1) Ko sprječava, ometa ili omalovažava državne organe, odnosno druga pravna lica koje vrše javna ovlaštenja ili njihova službena lica, odnosno odgovorna lica prilikom vršenja ili u vezi sa vršenjem službenih poslova i zadataka ili ko ne postupi na licu mjesta po određenom zakonitom zahtjevu ili naredjenju službenog lica, kazniće se novčanom kaznom od 600 do 1.800 KM.
- (2) Ko prekršaj iz stava (1) ovog člana počini u grupi ili ga počini uz upotrebu maske ili drugog podobnog predmeta radi prikrivanja identiteta, kazniće se novčanom kaznom od 700 do 2.100 KM.
- (3) Za prekršaj iz stava (1) ovog člana kazniće se pravno lice ili lice koje obavlja samostalnu poslovnu djelatnost-obrt, novčanom kaznom od 5.000 do 15.000 KM.
- (4) Za prekršaj iz stava (1) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 700 do 2.100 KM.

Član 30.

(Iznošenje ili prenošenje lažnih vijesti i tvrđenja)

- (1) Ko iznosi ili prenosi lažne vijesti ili tvrđenja kojima se izaziva panika ili teže narušava javni red i mir ili onemogućava ili značajnije ometa sprovođenje odluka i mjera nadležnih organa i institucija koji vrše javna ovlaštenja, kazniće se novčanom kaznom u iznosu od 600 do 1.800 KM.
- (2) Ko prekršaj iz stava (1) ovog člana počini za vrijeme trajanja stanja prirodne i druge nesreće, kazniće se novčanom kaznom od 700 do 2.100 KM.

- (3) Za prekršaje iz st. (1) i (2) ovog člana kazniće se pravno lice novčanom kaznom od 5.000 do 15.000 KM.
- (4) Za prekršaje iz st. (1) i (2) ovog člana kazniće se odgovorno lice u pravnom licu novčanom kaznom od 7.00 do 2.100 KM.
- (5) Prekršaji iz st. (1) i (2) ovog člana, mogu se počiniti i putem sredstava javnog informisanja, društvenih mreža ili drugih sličnih sredstava elektronske komunikacije.

Član 31.

(Lažno predstavljanje)

Ko se lažno predstavlja kao službeno lice državnog organa, predstavnik međunarodne ili druge organizacije, odgovorno lice drugog pravnog lica, ili ko neovlašteno nosi njihove službene oznake ili uniforme ili službene legitimacije ili isprave, ili ko upotrijebi lažne lične podatke kao svoje ili ko potvrdi tuđe lažne lične podatke kao tačne, kazniće se novčanom kaznom od 600 do 1.800 KM.

Član 32.

(Lažno prijavljivanje)

- (1) Ko prijavi određenu osobu da je počinila prekršaj protiv javnog reda i mira propisan ovim zakonom, znajući da ta osoba nije počinilac prekršaja, ili ko pozivom ovlaštenom organu uzrokuje nepotreban izlazak na mjesto događaja policijskih službenika, kazniće se novčanom kaznom od 500 do 1.500 KM.
- (2) Za prekršaj iz stava (1) ovog člana kazniće se pravno lice ili lice koje obavlja samostalnu poslovnu djelatnost-obrt, novčanom kaznom od 4.000 do 12.000 KM.
- (3) Za prekršaj iz stava (1) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 600 do 1.800 KM.

POGLAVLJE III – PREKRŠAJI PROTIV INTERESA MALOLJETNIKA I DRUGIH KATEGORIJA LICA

Član 33.

(Klađenje maloljetnih lica)

- (1) Ko omogućava ili navodi lice mlađe od 18 godina da se kladi u objektima koji su registrovani za tu vrstu djelatnosti, kazniće se novčanom kaznom od 600 do 1.800 KM.
- (2) Za prekršaj iz stava (1) ovog člana kazniće se pravno lice novčanom kaznom od 5.000 do 15.000 KM.
- (3) Za prekršaj iz stava (1) ovog člana kazniće se odgovorno lice u pravnom licu novčanom kaznom od 700 do 2.100 KM.

Član 34.

(Davanje alkoholnih pića ili nargile određenim kategorijama lica)

- (1) Ko prodaje, daje ili na bilo koji drugi način omogući konzumiranje alkoholnih pića pijanom licu, maloljetniku, duševno oboljelom licu ili licu zaostalog duševnog razvoja, kazniće se novčanom kaznom od 500 do 1.500 KM.
- (2) Ko prodaje, daje ili na bilo koji drugi način omogući konzumiranje nargile maloljetniku, duševno oboljelom licu ili licu zaostalog duševnog razvoja, kazniće se novčanom kaznom iz od 500 do 1.500 KM.
- (3) Za prekršaje iz st. (1) i (2) ovog člana kazniće se pravno lice ili lice koje obavlja samostalnu poslovnu djelatnost-obrt, novčanom kaznom od 4.000 do 12.000 KM.
- (4) Za prekršaje iz st. (1) i (2) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 600 do 1.800 KM.

Član 35.

(Odgovornost za drugog)

- (1) Roditelj, usvojlac, odnosno staralac starijeg maloljetnika koji je učinio prekršaj protiv javnog reda i mira propisan ovim zakonom, ako je izvršenje prekršaja posljedica njegovog propuštanja dužnog staranja o starijem maloljetniku, a u mogućnosti je da takav nadzor vrši, kazniće se novčanom kaznom od 500 do 1.500 KM.
- (2) Roditelj, usvojlac, odnosno staralac mlađeg maloljetnika koji je u vremenskom periodu od 23,00 do 06,00 sati učinio prekršaj protiv javnog reda i mira propisan ovim zakonom, ako je izvršenje prekršaja posljedica njegovog propuštanja dužnog staranja o mlađem maloljetniku, a u mogućnosti je da takav nadzor vrši, kazniće se novčanom kaznom od 600 do 1.800 KM.
- (3) Roditelj, usvojlac, odnosno staralac starijeg maloljetnika koji je od strane policijskog službenika zatečen na javnom mjestu u vremenskom periodu od 23,00 do 06,00 sati, bez nadzora roditelja, usvojioca, odnosno staraoca, kazniće se novčanom kaznom od 300 do 900 KM.
- (4) Roditelj, usvojlac, odnosno staralac mlađeg maloljetnika, koji je od strane policijskog službenika zatečen na javnom mjestu u vremenskom periodu od 23,00 do 06,00 sati, bez nadzora roditelja, usvojioca, odnosno staraoca, kazniće se novčanom kaznom od 400 do 1.200 KM.
- (5) Kada je maloljetnik koji nije navršio 14 godina počinio prekršaj protiv javnog reda i mira propisan ovim zakonom zbog propuštanja dužnog nadzora roditelja, usvojioca, odnosno staraoca, a ovo lice je bilo u mogućnosti da takav nadzor vrši, roditelj, usvojlac, odnosno staralac maloljetnika bit će kažnjeni za prekršaj kao da ga je sam učinio.

POGLAVLJE IV – OSTALI PREKRŠAJI PROTIV JAVNOG REDA I MIRA

Član 36.

(Neovlašteno ili neopravdano zalaženje i zadržavanje u prostorima, prostorijama i objektima)

Ko neovlašteno ili neopravdano zalazi ili se zadržava u zajedničkim prostorima, prostorijama i objektima (stubište, tavan, podrum, šupa, ograđeno dvorište i sl.) stambene zgrade u kojoj ne stanuje, kao i zajedničkim prostorima, prostorijama i objektima obrazovne ili druge javne ustanove, kazniće se novčanom kaznom od 400 do 1.200 KM.

Član 37.

(Neovlašteno fotografisanje ili skiciranje objekata i mjesta)

- (1) Ko neovlašteno vrši fotografisanje ili skiciranje objekata i mjesta koja su označena kao zabranjena za fotografisanje i skiciranje, kazniće se novčanom kaznom od 500 do 1.500 KM.
- (2) Za prekršaj iz stava (1) ovog člana kazniće se pravno lice novčanom kaznom od 4.000 do 12.000 KM.
- (3) Za prekršaj iz stava (1) ovog člana kazniće se odgovorno lice u pravnom licu novčanom kaznom od 600 do 1.800 KM.

Član 38.

(Konzumiranje opojne droge ili psihotropnih supstanci)

Ko na javnom mjestu konzumira opojnu drogu ili psihotropne supstance, kazniće se novčanom kaznom od 700 do 2.100 KM.

Član 39.

(Prikupljanje dobrovoljnih priloga bez odobrenja nadležnog organa)

- (1) Ko prikuplja dobrovoljne priloge protivno odredbama člana 51. ovog zakona, kazniće se novčanom kaznom od 500 do 1.500 KM.

- (2) Za prekršaj iz stava (1) ovog člana kazniće se pravno lice ili lice koje obavlja samostalnu poslovnu djelatnost-obrt, novčanom kaznom od 4.000 do 12.000 KM.
- (3) Za prekršaj iz stava (1) ovog člana kazniće se odgovorno lice u pravnom licu ili lice kojem je povjereno vođenje samostalne poslovne djelatnosti-obrta, novčanom kaznom od 600 do 1.800 KM.

Član 40.

(Postupanje sa životinjama)

- (1) Ko bez nadzora i zaštitnih sredstava drži i vodi opasne ili potencijalno opasne životinje koje drugog mogu prestrašiti ili povrijediti, kazniće se novčanom kaznom od 600 do 1.800 KM.
- (2) Ko na javnom mjestu zlostavlja životinje, odnosno na drugi način sa njima surovo postupa, kazniće se novčanom kaznom od 700 do 2.100 KM.

DIO TREĆI – ZAŠTITNE MJERE

Član 41.

(Zaštitne mjere i izricanje zaštitnih mjera)

- (1) Okrivljenom se za prekršaj propisan ovim zakonom mogu izreći sljedeće zaštitne mjere:
- a) zabrana vršenja poziva, djelatnosti ili dužnosti,
 - b) zabrana javnog istupanja,
 - c) liječenje od zavisnosti,
 - d) zabrana pristupa oštećenom, objektima ili mjestu izvršenja prekršaja i
 - e) oduzimanje predmeta.
- (2) Sud može rješenjem o prekršaju okrivljenom izreći jednu ili više zaštitnih mjera iz stava (1) ovog člana, u skladu sa odredbama Zakona o prekršajima ("Službene novine Federacije BiH", broj 63/14).
- (3) Ovlašteni organ može prekršajnim nalogom okrivljenom izreći samo zaštitnu mjeru oduzimanja predmeta, u skladu sa odredbama zakona iz stava (2) ovog člana.

Član 42.

(Izricanje zaštitne mjere zabrana vršenja poziva, djelatnosti ili dužnosti)

Sud može rješenjem o prekršaju izreći zaštitnu mjeru zabrane vršenja poziva, djelatnosti ili dužnosti, u periodu do šest mjeseci pravnom licu, a u periodu od tri mjeseca do jedne godine odgovornom licu u pravnom licu i fizičkom licu okrivljenom za prekršaje iz čl. 13., 17., 18., 19., 20., 21., 23., 28., 29., 30., 33., 34., 37., 39. i 40. ovog zakona.

Član 43.

(Izricanje zaštitne mjere zabrane javnog istupanja)

Sud može rješenjem o prekršaju izreći zaštitnu mjeru zabrane javnog istupanja, u periodu do šest mjeseci pravnom licu, a u periodu od tri mjeseca do jedne godine odgovornom licu u pravnom licu i fizičkom licu okrivljenom za prekršaje iz čl. 24. i 30. ovog zakona.

Član 44.

(Izricanje zaštitne mjere liječenja od zavisnosti)

Sud može rješenjem o prekršaju izreći zaštitnu mjeru liječenja od zavisnosti, uz uvjet da trajanje takvog liječenja nije duže od jedne godine, fizičkom licu okrivljenom za prekršaj iz člana 38. ovog zakona.

Član 45.

(Izricanje zaštitne mjere zabrane pristupa oštećenom, objektima ili mjestu izvršenja prekršaja)

Sud može, na pisani prijedlog podnosioca zahtjeva za pokretanje prekršajnog postupka ili na usmeni zahtjev oštećenog istaknut na saslušanju u prekršajnom postupku, rješenjem o prekršaju izreći zaštitnu mjeru zabrane pristupa oštećenom, objektima ili mjestu izvršenja prekršaja, fizičkom licu kažnjenom za prekršaje iz čl. 10., 11., 14., 15., 16., 17., 18., 19., 20., 22., 24., 28., 31., 32., 33., 34., 36., 37. i 39. ovog zakona.

Član 46.

(Izricanje zaštitne mjere oduzimanje predmeta)

Sud može rješenjem o prekršaju, a policijski službenik Uprave policije može prekršajnim nalogom, izreći zaštitnu mjeru oduzimanja predmeta, okrivljenom za prekršaje iz čl. 10., 11., 12., 13., 14., 15., 16., 17., 18., 19., 20., 21., 22., 24., 25., 26., 27., 28., 29., 30., 31., 32., 33., 34., 37., 38., 39. i 40. ovog zakona.

Član 47.

(Privremeno oduzimanje predmeta)

Kada u vršenju službenih poslova i zadataka saznaju za prekršaj propisan ovim zakonom, policijski službenici mogu privremeno oduzeti predmete koji su upotrijebljeni ili su bili namijenjeni za izvršenje prekršaja ili koji su nastali izvršenjem prekršaja, kao i predmete koji mogu poslužiti kao dokaz u prekršajnom postupku.

Član 48.

(Postupak sa oduzetim predmetima)

Uprava policije će postupiti sa oduzetim predmetima u skladu sa odlukom nadležnog suda ili odlukom rukovodioca nadležne organizacione jedinice Uprave policije donesenom u skladu sa odredbama Uredbe o smještaju, čuvanju i postupanju sa privremeno oduzetim predmetima od strane policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj 42/19).

Član 49.

(Nepoštivanje zaštitnih mjera)

Ko prekrši zaštitnu mjeru iz čl. 42., 43., 44. i 45. ovog zakona, za vrijeme njenog trajanja, kazniće se novčanom kaznom od 700 do 2.100 KM.

DIO ČETVRTI – BAKLJADE I VATROMETI I PRIKUPLJANJE DOBROVOLJNIH PRILOGA

Član 50.

(Bakljade i vatrometi)

- (1) Bakljade, vatrometi i slične priredbe (u daljnjem tekstu: priredbe) mogu se priređivati, a pirotehnička sredstva koristiti na javnim mjestima u skladu sa odredbama ovog i drugih zakona.
- (2) Priređivanje priredbe mora se prijaviti policijskoj upravi Uprave policije na čijem području će se priredba održati najkasnije u roku od osam dana prije održavanja priredbe.
- (3) Ako se priredba namjerava održati na području koje obuhvata dvije ili više općina u Kantonu Sarajevo, prijava se, u roku iz stava (2) ovog člana, podnosi Sektoru uniformisane policije u Upravi policije (u daljnjem tekstu: Sektor uniformisane policije).
- (4) O prijavljenoj priredbi iz stava (3) ovog člana Sektor uniformisane policije obavještava policijske uprave na čijem području će se održati priredba.

- (5) U prijavi se, pored ostalog, mora navesti mjesto, vrijeme i svrha održavanja priredbe, broj baklji, odnosno količina pirotehničkih sredstava koja će se upotrijebiti, podaci o licu koje će rukovati pirotehničkim sredstvima, kao i mjere osiguranja koje će se preduzeti.
- (6) Nadležne organizacione jedinice Uprave policije iz st. (2) i (3) ovog člana, donose rješenje kojim se odobrava održavanje priredbe, najkasnije 72 sata prije najavljenog termina održavanja priredbe.
- (7) Priređivač je dužan da sprovodi mjere osiguranja koje mu u rješenju odredi policijska uprava, odnosno Sektor uniformisane policije.
- (8) Policijska uprava, odnosno Sektor uniformisane policije, može zabraniti održavanje priredbe ako to zahtijevaju razlozi javne sigurnosti. U tom slučaju, policijska uprava, odnosno Sektor uniformisane policije, donosi rješenje o zabrani održavanja priredbe i dostavlja ga priređivaču najkasnije 72 sata prije najavljenog termina održavanja priredbe.
- (9) Žalba izjavljena protiv rješenja iz st. (6) i (7) ovog člana podnosi se ministru unutrašnjih poslova Kantona Sarajevo (u daljnjem tekstu: ministar), najkasnije 48 sati prije najavljenog termina održavanja priredbe i ne odlaže izvršenje rješenja.
- (10) Ministar će rješenjem odlučiti o žalbi i isto dostaviti priređivaču najkasnije 24 sata prije najavljenog termina održavanja priredbe.

Član 51.

(Prikupljanje dobrovoljnih priloga)

- (1) Dobrovoljni prilozi građana mogu se prikupljati u skladu sa odredbama ovog zakona.
- (2) Dobrovoljne priloge mogu prikupljati pravna lica, humanitarne i druge organizacije i građani i njihova udruženja ako za to imaju odobrenje načelnika općine na čijem području se prilozi prikupljaju.
- (3) U zahtjevu kojim se traži odobrenje za prikupljanje dobrovoljnih priloga, pored ostalog, mora se navesti cilj, svrha i način prikupljanja, mjere koje će se preduzeti radi osiguranja od eventualnih zloupotreba u vezi sa prikupljanjem, vrijeme za koje se traži odobrenje za prikupljanje kao i područje na kojem će se vršiti prikupljanje.
- (4) Ovlašteni podnosioci zahtjeva za prikupljanje dobrovoljnih priloga iz stava (2) ovog člana kojima je odobreno prikupljanje dobrovoljnih priloga, dužni su sprovoditi mjere osiguranja od zloupotreba koje su određene odobrenjem za prikupljanje dobrovoljnih priloga.
- (5) Zahtjev za izdavanje odobrenja za prikupljanje dobrovoljnih priloga može se rješenjem odbiti ako prikupljanje dobrovoljnih priloga može izazvati uznemirenje građana ili narušiti javni red i mir ili ako nije opravdan cilj ili svrha prikupljanja dobrovoljnih priloga.
- (6) Daljnje prikupljanje dobrovoljnih priloga može se rješenjem zabraniti iz razloga utvrđenih u stavu (5) ovog člana ili ako se ustanovi da se ne sprovode mjere osiguranja od zloupotreba ili da su u zahtjevu navedeni netačni podaci o cilju ili svrsi prikupljanja.
- (7) Na rješenje iz stava (6) ovog člana može se izjaviti žalba Drugostepenoj stručnoj komisiji nadležnog općinskog vijeća u roku od 15 dana od prijema istog, a koja će u daljnjem roku od 15 dana donijeti odluku po podnesenoj žalbi.
- (8) Žalba izjavljena protiv rješenja iz st. (5) i (6) ovog člana ne odlaže izvršenje rješenja.
- (9) Odobrenje iz stava (2) ovog člana nije potrebno za dobrovoljne priloge:
 - a) koji se prikupljaju u okviru pravnog lica za zajedničke potrebe ili potrebe pojedinih radnika tog pravnog lica,
 - b) čije prikupljanje organizuje mjesna zajednica na svom području ili kućni savjet u zgradi kojom upravlja, radi određenih ciljeva u okviru djelatnosti mjesne zajednice, odnosno kućnog savjeta,
 - c) koji se prikupljaju umjesto ulaznica za priredbe koje organizuju politička udruženja, sindikati, udruženja građana i drugi oblici udruživanja i organizovanja, a u skladu sa programom svojih aktivnosti i
 - d) koji se prikupljaju u organizaciji vjerskih zajednica.

DIO PETI – PRELAZNE I ZAVRŠNE ODREDBE

Član 52.

(Nadležnost za vršenje nadzora nad primjenom zakona)

- (1) Nadzor nad primjenom ovog zakona vrše policijski službenici Uprave policije.
- (2) Policijski službenici Uprave policije vrše kontrolu postupanja ili provođenja naredbi ili rješenja iz člana 28. stav (1) ovog zakona, odnosno naredbi iz stava (2) istog člana, i preduzimaju mjere i radnje iz svoje nadležnosti, samo ukoliko je to izričito navedeno u naredbi ili rješenju.

Član 53.

(Ovlaštenje i obaveza drugih organa za donošenje podzakonskih propisa)

- (1) Gradsko, odnosno općinsko vijeće može, u skladu sa ovim zakonom, svojom odlukom propisati i druge prekršaje protiv javnog reda i mira.
- (2) Vijeća iz stava (1) ovog člana dužna su, u roku od tri mjeseca od dana stupanja na snagu ovog zakona, uskladiti svoje odluke kojima se propisuju prekršaji protiv javnog reda i mira sa odredbama ovog zakona.

Član 54.

(Okončanje postupaka)

Postupci koji do dana stupanja na snagu ovog zakona nisu okončani završiće se po odredbama zakona koji je bio na snazi u vrijeme pokretanja postupka.

Član 55.

(Prestanak važenja ranijeg propisa)

Danom stupanja na snagu ovog zakona prestaje da važi Zakon o prekršajima protiv javnog reda i mira ("Službene novine Kantona Sarajevo", br. 18/07, 7/08 i 34/20).

Član 56.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj: _____
Sarajevo, __. __. ____ . godine

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

OBRAZLOŽENJE

I - PRAVNI OSNOV ZA DONOŠENJE ZAKONA

Pravni osnov za donošenje Zakona o prekršajima protiv javnog reda i mira na području Kantona Sarajevo (u daljnjem tekstu: Zakon) sadržan je u odredbama člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) kojim je propisano da Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

II - RAZLOZI ZA DONOŠENJE ZAKONA

Trenutno važeći Zakon o prekršajima protiv javnog reda i mira („Službene novine Kantona Sarajevo“, br. 18/07, 7/08 i 34/20, u daljnjem tekstu: važeći Zakon) primjenjuje se više od 15 godina i tokom tog vremenskog perioda, u skladu sa ukupnim društvenim kretanjima, konstatovana je potreba za donošenjem novog Zakona koji, za razliku od prethodnog, pored konceptualne promjene, u svom nazivu nosi i teritorijalni element u pogledu područja na kojem se primjenjuje, a to je Kanton Sarajevo. Na osnovu izvršene analize pokazatelja sigurnosti na području Kantona Sarajevo, posebno statističkih podataka, izvršena je evaluacija svih prekršaja propisanih Zakonom koji je trenutno na snazi. U periodu primjene Zakona (od 2008. godine do 31.06.2021. godine), a prema zvaničnim podacima nadležnog Odjeljenja za analitiku, planiranje i evidencije, Sektora za pravne, kadrovske, logističke poslove, edukaciju i analitiku, Uprave policije Ministarstva unutrašnjih poslova Kantona Sarajevo za prekršaje propisane važećim Zakonom policijski službenici su evidentirali ukupno 78.550 prekršaja. Uočene su određene pravne praznine koje su na konkretan način, nizom konkretnih i novih odredbi i prekršaja, popunjene Nacrtom Zakona. U drugom pravcu, određeni prekršaji su transferirani u druge zakone (npr. neovlaštena upotreba vatrenog oružja je kao prekršaj u nekoliko oblika propisan u Zakonu o nabavljanju, držanju i nošenju oružja i municije - „Službene novine Kantona Sarajevo“, br. 1/18, 13/18 – Ispravka i 30/19), a pojedini prekršaji će, zbog manjeg stepena društvene opasnosti, najvjerojatnije biti propisani u procesu usklađivanja prilikom donošenja propisa iz člana 53. Nacrta Zakona (gradska i općinske odluke). Također, izvršeno je usklađivanje općeg minimuma i maksimuma novčanih kazni propisanih

Odredbom člana 11. stav (4) Zakona o prekršajima Federacije Bosne i Hercegovine („Službene novine Federacije BiH“, br. 31/06 i 37/10) propisano je da se novčana kazna za fizičko lice ne može propisati u iznosu nižem od 20,00 KM, za odgovorno lice u pravnom licu u iznosu nižem od 50,00 KM, za pravno lice u iznosu nižem od 500,00 KM. Navedene odredbe predstavljaju opći minimum novčane kazne za sve zakone prekršajnog karaktera. Odredbom člana 20. stav (4) Zakona o prekršajima Federacije Bosne i Hercegovine („Službene novine Federacije BiH“, broj 63/14), propisano je da se novčana kazna za fizičko lice ne može propisati u iznosu nižem od 30,00 KM, za odgovornu osobu u pravnom licu u iznosu nižem od 50,00KM, za pravno lice u iznosu nižem od 500,00 KM. Ovom odredbom Zakona o prekršajima opći minimum novčane kazne je povećan sa 20,00 na 30,00 KM. Odredbom člana 11. stav (5) Zakona o prekršajima Federacije Bosne i Hercegovine („Službene novine Federacije BiH“, br. 31/06 i 37/10) propisano je da se novčana kazna za fizičko lice ne može propisati u iznosu većem od 1.500,00 KM, za odgovorno lice u pravnom licu u iznosu većem od 3.000,00 KM, za pravno lice u iznosu većem od 15.000,00 KM. Navedene odredbe predstavljaju opći maksimum novčane kazne za sve zakone prekršajnog

karaktera. Odredbom člana 20. stav (5) Zakona o prekršajima prekršajima Federacije Bosne i Hercegovine („Službene novine Federacije BiH“, broj 63/14), propisano je da se novčana kazna za fizičko lice ne može propisati u iznosu višem od 10.000,00 KM, za odgovorno lice u pravnom licu u iznosu višem od 20.000,00 KM, za pravno lice u iznosu višem od 200.000,00 KM. Ovom odredbom Zakona o prekršajima je opći maksimum novčane kazne za fizičko lice povećan sa 1.500,00 na 10.000,00 KM, za odgovorno lice u pravnom licu sa 3.000,00 na 20.000,00 KM i za pravno lice sa 15.000,00 na 200.000,00 KM. Također su povećani opći maksimumi novčanih kazni za lica koja obavljaju samostalnu djelatnost – obrt, kao i opći maksimum novčanih kazni koje su propisani uredbom ili odlukom vlade, odlukom gradskog ili općinskog vijeća. Primjenom citiranih odredbi Zakona o prekršajima Federacije Bosne i Hercegovine predloženo je i generalno povećanje visine novčanih kazni koje se mogu izreći za prekršaje propisane Nacrtom Zakona, tako da je posebni minimum i maksimum novčane kazne propisane Nacrtom Zakona od 100,00 do 2.100,00 KM za fizičko lice, od 300,00 do 2.100,00 KM za odgovorno lice u pravnom licu i od 1.500,00 do 15.000,00 KM za pravno lice, te su predložene visine novčanih kazni u okviru Zakonom o prekršajima određenog općeg minimuma i maksimuma novčane kazne. Potrebno je istaći da je predloženo povećanje visine novčanih kazni relativnog karaktera, posebno imajući u vidu odredbu člana 23. stav (2) pomenutog Zakona o prekršajima, kojom se okrivljenom daje mogućnost da u slučaju plaćanja novčane kazne u zakonskom roku, oslobodi plaćanja 50% iznosa izrečene novčane kazne. Osim ove odredbe koja se može primijeniti samo u slučaju izdavanja prekršajnog naloga, da se radi o predloženim visinama novčane kazne koje su relativnog karaktera, govore i novi instituti u Zakonu o prekršajima Federacije Bosne i Hercegovine u odnosu na raniji zakon o prekršajima i to odredba člana 19. (Odmjeravanje kazni) prema kojoj nadležni sud okrivljenom za prekršaj u određenim slučajevima može izreći novčanu kaznu ispod najmanje mjere kazne propisane za taj prekršaj, ali ne i ispod najmanje zakonske mjere te vrste kazne. U praksi bi to značilo da sud okrivljenom licu za prekršaj iz člana 22. stav (1) Nacrta Zakona (Tuča, fizički napad ili zlostavljanje drugog) za koji se predlaže novčana kazna u iznosu od 600 do 1.800 KM, u određenim slučajevima, a primjenom odredbe člana 19. Zakona o prekršajima, može izreći novčanu kaznu u iznosu od 30 KM. Osim navedenih odredbi, odredba člana 77. Zakona o prekršajima Federacije Bosne i Hercegovine previđa i mogućnost oslobođenja od kazne. Predlaganje povećanja iznosa novčanih kazni predstavlja obavezu usklađivanja sa odredbom Zakona o prekršajima Federacije Bosne i Hercegovine iz člana 113. stav (4), ali je i preventivnog karaktera jer je povećanjem iznosa novčanih kazni, predlagač prvenstveno imao u vidu ostvarenje svrhe kažnjavanja koja ide u pravcu društvene osude prekršaja, odnosno da se zapriječenom novčanom kaznom utiče na počinioca da ne čini protivpravna ponašanja određena Nacrtom Zakona. U periodu primjene Zakona (od 01.06.2007. godine do 31.12.2022. godine), a prema zvaničnim podacima iz IS RNK i PE, te podacima nadležnog Odjeljenja za analitiku, planiranje i evidencije, Sektora za pravne, kadrovske, logističke poslove i analitiku, Uprave policije Ministarstva unutrašnjih poslova Kantona Sarajevo za prekršaje propisane važećim zakonom, policijski službenici su evidentirali ukupno 84.824 prekršaja, te 7.916 prekršaja propisanih općinskim odlukama o prekršajima protiv javnog reda i mira, a čiji je pravni osnov za donošenje, propisan važećim Zakonom o prekršajima protiv javnog reda i mira. Nadalje, uočene su određene pravne praznine koje su na adekvatan način, nizom konkretnih i novih odredbi i prekršaja, popunjene Nacrtom Zakona. U drugom pravcu, određeni prekršaji su transferirani u druge zakone (npr. neovlaštena upotreba vatrenog oružja je kao prekršaj u nekoliko oblika propisan u Zakonu o nabavljanju, držanju i nošenju oružja i municije - „Službene novine Kantona Sarajevo“, br. 1/18, 13/18 – Ispravka i 30/19), a pojedini prekršaji će, zbog manjeg stepena društvene opasnosti, najvjerovatnije biti propisani u procesu usklađivanja, prilikom donošenja propisa iz člana

53. Nacrta Zakona (gradska i općinske odluke). Također, izvršeno je usklađivanje općeg minimuma i maksimuma novčanih kazni propisanih Nacrtom Zakona sa općim minimumom i maksimumom novčane kazne propisane odredbama Zakona o prekršajima („Službene novine Federacije BiH“, broj 63/14), kako za fizička lica tako i za pravna lica ili preduzeća i odgovorna lica u istima, što je u skladu sa odredbom člana 113. stav (4) Zakona o prekršajima, kojim je propisano da će odredbe propisa kojima se reguliše visina novčanih kazni u prekršajnom postupku u roku od 6 mjeseci od dana stupanja na snagu, uskladiti sa odredbama tog zakona.

Odredbom člana 11. stav (4) Zakona o prekršajima Federacije Bosne i Hercegovine („Službene novine Federacije BiH“, br. 31/06 i 37/10) propisano je da se novčana kazna za fizičko lice ne može propisati u iznosu nižem od 20,00 KM, za odgovorno lice u pravnom licu u iznosu nižem od 50,00 KM, za pravno lice u iznosu nižem od 500,00 KM. Navedene odredbe predstavljaju opći minimum novčane kazne za sve zakone prekršajnog karaktera.

Odredbom člana 20. stav (4) Zakona o prekršajima Federacije Bosne i Hercegovine propisano je da se novčana kazna za fizičko lice ne može propisati u iznosu nižem od 30,00 KM, za odgovornu osobu u pravnom licu u iznosu nižem od 50,00KM, za pravno lice u iznosu nižem od 500,00 KM. Ovom odredbom Zakona o prekršajima opći minimum novčane kazne je povećan sa 20,00 na 30,00 KM.

Odredbom člana 11. stav (5) Zakona o prekršajima Federacije Bosne i Hercegovine propisano je da se novčana kazna za fizičko lice ne može propisati u iznosu većem od 1.500,00 KM, za odgovorno lice u pravnom licu u iznosu višem od 3.000,00 KM, za pravno lice u iznosu višem od 15.000,00 KM. Navedene odredbe predstavljaju opći maksimum novčane kazne za sve zakone prekršajnog karaktera.

Odredbom člana 20. stav (5) Zakona o prekršajima Federacije Bosne i Hercegovine propisano je da se novčana kazna za fizičko lice ne može propisati u iznosu višem od 10.000,00 KM, za odgovorno lice u pravnom licu u iznosu višem od 20.000,00 KM, za pravno lice u iznosu višem od 200.000,00 KM. Ovom odredbom Zakona o prekršajima je opći maksimum novčane kazne za fizičko lice povećan sa 1.500,00 na 10.000,00 KM, za odgovorno lice u pravnom licu sa 3.000,00 na 20.000,00KM i za pravno lice sa 15.000,00 na 200.00,00 KM. Također su povećani opći maksimumi novčanih kazni za lica koja obavljaju samostalnu djelatnost – obrt, kao i opći maksimum novčanih kazni koje su propisani uredbom ili odlukom vlade, odlukom gradskog ili općinskog vijeća.

Primjenom citiranih odredbi Zakona o prekršajima Federacije Bosne i Hercegovine predloženo je i generalno povećanje visine novčanih kazni koje se mogu izreći za prekršaje propisane Nacrtom Zakona, tako da je posebni minimum i maksimum novčane kazne propisane Nacrtom Zakona od 100,00 do 2.100,00 KM za fizičko lice, od 300,00 do 2.100,00 KM za odgovorno lice u pravnom licu i od 1.500,00 do 15.000,00 KM za pravno lice, te su predložene visine novčanih kazni u okviru Zakonom o prekršajima određenog općeg minimuma i maksimuma novčane kazne.

Potrebno je istaći da je predloženo povećanje visine novčanih kazni relativnog karaktera u praktičnoj primjeni, posebno imajući u vidu odredbu člana 23. stav (2) Zakona o prekršajima, kojom se okrivljenom daje mogućnost da se u slučaju plaćanja novčane kazne u zakonskom roku, oslobodi plaćanja 50% iznosa izrečene novčane kazne. Osim ove odredbe koja se može primijeniti samo u slučaju izdavanja prekršajnog naloga, da se radi o predloženim visinama novčane kazne koje su relativnog karaktera, govore i novi instituti u Zakonu o prekršajima Federacije Bosne i Hercegovine u odnosu na raniji zakon o prekršajima i to odredba člana 19. (Odmjeravanje kazni) prema kojoj nadležni sud okrivljenom za prekršaj u određenim slučajevima može izreći novčanu kaznu ispod najmanje mjere kazne propisane za taj prekršaj, ali ne i ispod najmanje zakonske mjere

te vrste kazne. U praksi bi to značilo da sud okrivljenom licu za prekršaj iz člana 22. stav (1) Nacrta Zakona (Tuča, fizički napad ili zlostavljanje drugog) za koji se predlaže novčana kazna u iznosu od 600 do 1.800 KM, u određenim slučajevima, a primjenom odredbe člana 19. Zakona o prekršajima, može izreći novčanu kaznu u iznosu od 30 KM. Osim navedenih odredbi, odredba člana 77. Zakona o prekršajima Federacije Bosne i Hercegovine previda i mogućnost oslobođenja od kazne.

Predlaganje povećanja iznosa novčanih kazni predstavlja obavezu usklađivanja sa odredbom Zakona o prekršajima Federacije Bosne i Hercegovine iz člana 113. stav (4), ali je i preventivnog karaktera jer je povećanjem iznosa novčanih kazni, predlagač prvenstveno imao u vidu ostvarenje svrhe kažnjavanja koja ide u pravcu društvene osude prekršaja, odnosno da se zapriječenom novčanom kaznom utiče na počinioca da ne čini protivpravna ponašanja određena Nacrtom Zakona, a kao jedan od razloga navodimo i činjenicu da su prekršajna djela u Nacrtu Zakona zabranjena radnje koje se u najvećem broju slučajeva čine sa umišljajem. Nacrtom Zakona o prekršajima protiv javnog reda i mira u Kantonu Sarajevo kao kaznenom zakonu prekršajno-pravne prirode, na prvom mjestu se štiti javni poredak, odnosno javni red i mir na određenom prostoru, ali odredbe Nacrta Zakona sadrže i određena upravna postupanja preventivnog karaktera, koja su u vezi sa javnim redom i mirom, a odnose se na prikupljanje dobrovoljnih priloga i priređivanje bakljada, vatrometa i sličnih priredbi. Predloženo je i generalno povećanje visine novčanih kazni koje se mogu izreći za prekršaje propisane Zakonom, koje je relativnog karaktera, usljed odredbe člana 23. stav (2) pomenutog Zakona o prekršajima, kojom se okrivljenom daje mogućnost da u slučaju plaćanja novčane kazne u zakonskom roku, oslobodi plaćanja 50% iznosa izrečene novčane kazne.

Povećanjem iznosa novčanih kazni, predlagač je prvenstveno imao u vidu ostvarenje svrhe kažnjavanja koja ide u pravcu društvene osude prekršaja, a posebno u pravcu preventivnog uticaja na počinioca prekršaja i druge, da ne čine prekršaje.

III - OBRAZLOŽENJE PREDLOŽENIH RJEŠENJA

Zakon sadrži 55 članova, podijeljen je u pet dijelova, a pravna rješenja su sljedeća:

DIO PRVI – OPĆE ODREDBE

Član 1. - Propisuje predmet Zakona.

Član 2. - Odredbom ovog člana propisuje značenje samog pojma javnog reda i mira u općem smislu.

Član 3. - Propisuje definiciju prekršaja protiv javnog reda i mira na jedan sistematičniji, pregledniji i jasniji način u odnosu na važeću definiciju. Važna je odredba drugog stava kojom se propisuje da prekršaji protiv javnog reda i mira, mogu biti učinjeni i putem sredstava javnog informisanja, društvenih mreža ili drugih sličnih sredstava elektronske komunikacije (npr. ozbiljna prijetnja, iznošenje i prenošenje lažnih vijesti, tvrdnji i sl.).

Član 4. - Odredbom ovog člana propisuju se prekršajne sankcije koje mogu biti izrečene počiniocima prekršaja za prekršaje protiv javnog reda i mira, a to su novčana kazna i zaštitne mjere.

Član 5. - Propisuje pojam javnog mjesta, a drugim stavom je propisano tzv. relativno javno mjesto u čiju definiciju su uključeni i oni prekršaji koji su učinjeni putem sredstava javnog informisanja, društvenih mreža ili drugih sličnih sredstava elektronske komunikacije.

Član 6. - Odredbama ovog člana propisan je postupak u prekršajnim i krivičnim predmetima kada postoji mogućnost povrede načela "ne bis in idem" (niko ne može biti ponovo suđen za djelo za koje je već bio suđen i za koje je donesena pravomoćna sudska odluka). Primjena važećeg Zakona u praksi je pokazala neophodnost provođenja ovog načela jer postoji određen broj prekršaja koji su po svojim obilježjima slični obilježjima bića pojedinih krivičnih djela (npr. Ozbiljna prijetnja u odnosu na Ugrožavanje sigurnosti ili Tuča, fizički napad ili zlostavljanje drugog u odnosu na određena krivična djela iz grupe krivičnih djela protiv život i tijela). Primjena ovog načela ide i u pravcu

zabrane procesuiranja za prekršaj za koji je okrivljeni bio suđen i za koji je donesena pravomoćna sudska odluka.

Član 7. - U odnosu na važeći Zakon, odredbama ovog člana dato je značenje većeg broja izraza (ukupno 25), što će biti od koristi svim učesnicima prekršajnog postupka.

Član 8. – Propisuje ravnopravnost spolova.

DIO DRUGI – PREKRŠAJI PROTIV JAVNOG REDA I MIRA I PREKRŠAJNE SANKCIJE POGLAVLJE I – OSNOVNI PREKRŠAJI PROTIV JAVNOG REDA I MIRA

Član 9. – Propisuje prekršaj “Svađa, vika, nepristojno ili drsko ponašanje”, a novina je nekadašnji samostalan prekršaj vršenje fizioloških potreba ili izlaganje intimnih djelova pogledu drugih, kao jedan od oblika nepristojnog ili drskog ponašanja, faktički “priključen” i propisan stavom (2).

Član 10. - Prekršaj “Naročito drsko ponašanje” je logičnim slijedom propisan odmah iza prekršaja svađe, vike, nepristojnog ili drskog ponašanja. Vrlo čest prekršaj u periodu dosadašnje primjene važećeg Zakona. Novina je stav (2) kojim se kao oblik naročito drskog ponašanja sankcioniše vozač motornog vozila koji nepropisno zaustavi ili parkira motorno vozilo na javnom mjestu ispoljavajući time naročito drsko i bezobzirno ponašanje, jer tom svojom radnjom onemogućava ili otežava normalno odvijanje saobraćaja. Ukoliko se usvoji ovaj prijedlog, policijski službenici će posebnu pažnju obratiti na primjenu načela “ne bis in idem”, jer postoji prethodno pitanje, a to je da je faktički uslov za postojanje navedenog prekršaja, prethodno činjenje prekršaja iz oblasti saobraćaja jer tom svojom radnjom onemogućava ili otežava normalno odvijanje saobraćaja. Praktična iskustva policijskih službenika Uprave policije ukazuju da je ovakvo ponašanje vozača motornih vozila vrlo često, usljed čega dolazi do nezadovoljstva i negodovanja drugih učesnika u saobraćaju i građana.

Član 11. - Jedna od najvažnijih odredbi Zakona je ona kojom se propisuje prekršaj “Ozbiljna prijetnja”. S tim u vezi su i dvije specifičnosti vezane za ovaj prekršaj. Prva da može biti učinjen uz upotrebu maske ili drugog podobnog predmeta isključivo radi prikrivanja identiteta (pojedinačno ili u grupi), a druga je da može biti počinjen i putem sredstava javnog informisanja, društvenih mreža ili drugih sličnih sredstava elektronske komunikacije, što je vrlo čest slučaj u praksi.

Član 12. – Propisuje prekršaj “Skitnje”, koji u periodu primjene važećeg Zakona nije bio česta pojava (izdato 37 prekršajnih naloga).

Član 13. – Propisuje prekršaj i prekršajnu sankciju za prekršaj “Prostitucije” kao vrlo složenog prekršaja.

Član 14. – Propisuje prekršaj “Prosjačenje”, koji je takođe izuzetno složen prekršaj koji bitno utiče na stanje sigurnosti, odnosno stanje javnog reda i mira na području Kantona Sarajevo. Od ukupnog broja izdatih prekršajnih naloga za 13 godina primjene važećeg Zakona, na osnovni oblik ovog prekršaja odnosi se preko 55%, što dovoljno govori o ozbiljnosti ovog oblika devijantnog ponašanja. Osim generalnog povećanja novčanih kazni za sve oblike ovog prekršaja (osnovni oblik, organizacija i navođenje na prosjačenje i organizacija i navođenje na prosjačenje posebno osjetljivih i zaštićenih kategorija lica), predložena je odredba stava (4) kojom se istom kaznom kao za osnovni oblik kažnjava i lice koje na javnom mjestu daje milostinju u novcu. Ovaj oblik prekršaja može biti izvršen isključivo na javnom mjestu, dok za osnovni to nije obligatoran uslov.

Član 15.- Kao srodan prekršaju “Prosjačenja”, odredbama ovog člana propisan je novi prekršaj “Prodaja na raskrscima, saobraćajnicama ili drugim javnim mjestima”. Ova pojava je posebno došla do izražaja intenziviranjem migrantske krize u Kantonu Sarajevo i šire. Stavom (2) ovog člana sankcionisan je svako ko (a prvenstveno vozači motornih vozila) kupuje stvari od učinilaca osnovnog oblika prekršaja, uz prethodni uslov da je usljed takvog postupka došlo do ometanja normalnog odvijanja saobraćaja ili kretanja građana, što je faktičko pitanje koje se u svakom konkretnom slučaju utvrđuje od strane policijskih službenika.

Član 16. – Propisuje prekršaj “Neovlaštena prodaja, kupovina ili nuđenje novca ili hartija od vrijednosti ili karti za prijevoz ili ulaznica”.

Član 17.- Propisuje prekršaj “Preprodaja ulaznica”, kako bi se suzbila pojava iskorištavanja povećane potražnje za ulaznicama za određene priredbe (npr. koncerti, utakmice i sl.), prodavanjem istih po cijenama višim od označenih i neosnovanog bogaćenja počinioa prekršaja.

Član 18. – Jedan od čestih prekršaja u periodu primjene "Igranje hazardnih igara". U svim oblicima predloženo je povećanje novčane kazne. U POGLAVLJU III – PREKRŠAJI PROTIV INTERESA MALOLJETNIKA I DRUGIH KATEGORIJA LICA, kao pojava posebno je izdvojeno, propisano i sankcionisano kladenje maloljetnih lica u objektima koji su registrovani za tu vrstu djelatnosti.

Član 19. – Propisuje prekršaj pod nazivom "Pirotehnička sredstva" koji se odnosi na paljenje, posjedovanje, ustupanje, prodaju, kupovinu ili nudičenje petardi ili drugih pirotehničkih sredstva (šest mogućih radnji izvršenja). U periodu primjene važećeg Zakona registrovan je kao vrlo čest prekršaj usljed čega je predloženo povećanje visine novčane kazne.

Član 20. – Konceptijski, prekršaj "Priređivanje bakljada, vatrometa i sličnih priredbi" stavljen je odmah iza prekršaja koji se odnosi na nezakonite aktivnosti u vezi tzv. pirotehnikе. U uskoj vezi sa ovim prekršajem je i član 50. Nacrta Zakona kojim je propisana procedura za priređivanje bakljada, vatrometa i sličnih priredbi.

Član 21. – Vrlo čest i značajan prekršaj pod nazivom "Stvaranje buke", koji je usklađen sa relevantnim odredbama Zakona o zaštiti od buke ("Službene novine Kantona Sarajevo, broj 26/07), a naročito odredbom člana 30. stav (2) istog zakona.

Član 22. – Propisuje jedan od najvažnijih prekršaja u Zakonu, a to je "Tuča, fizički napad ili zlostavljanje drugog". U odnosu na važeći Zakon oblici prekršaja su odvojeni na jedan sistematičniji način, a posebno je ističe mogućnost da ovaj prekršaj može biti učinjen uz upotrebu maske ili drugog podobnog predmeta radi prikrivanja identiteta što se posebno sankcioniše. Novi oblik prekršaja je organizacija fizičkog napada ili zlostavljanja drugog ili tuče, bez obzira na to da li je do fizičkog napada ili zlostavljanja drugog ili tuče došlo.

Član 23. – Odredbama ovog člana propisuje se kao poseban prekršaj "Propuštanje prijavljivanja narušavanja javnog reda i mira u ugostiteljskom objektu" za koji je odgovorno pravno lice ili lice koje obavlja samostalnu poslovnu djelatnost-obrt i odgovorno lice u tom pravnom licu ili lice kojem je povjereno vođenje samostalne poslovne djelatnosti-obrta, koji ne preduzimaju mjere za održavanje javnog reda i mira u njihovim poslovnim prostorijama kada je to moguće, bez opasnosti za sebe ili druge, i slučajeve narušavanja javnog reda i mira ne prijave odmah policijskoj upravi ili policijskom službeniku. U policijskoj praksi ovo je vrlo česta pojava, jer se do saznanja za prekršaje dolazi od strane građana, odnosno trećih lica.

Član 24. – Propisuje prekršaj "Vrijeđanje osjećanja građana iz mržnje".

POGLAVLJE II – PREKRŠAJI PROTIV FUNKCIONISANJA DRŽAVNIH ORGANA I JAVNIH SLUŽBI

Član 25. – Propisuje prekršaj "Isticanje zastave ili grba" kojim se štite zastava ili grb Bosne i Hercegovine ili Federacije Bosne i Hercegovine ili Kantona Sarajevo, odnosno sankcioniše se isticanje zastave ili grba koji ne sadrže obilježja propisana ustavom i zakonom Bosne i Hercegovine ili Federacije Bosne i Hercegovine ili Kantona Sarajevo. Ovaj prekršaj usklađen je sa relevantnim odredbama Zakona o upotrebi grba i zastave Kantona Sarajevo ("Službene novine Kantona Sarajevo", br. 9/99, 16/03 i 39/08).

Član 26. – Propisuje prekršaj "Uništenje ili oštećenje novca Bosne i Hercegovine".

Član 27. – Propisuje prekršaj "Neovlašteno uništenje, cijepanje ili isticanje javno istaknutih objava, oglasa ili predmeta". Pored povećanja visine novčane kazne, iz bića ovog prekršaja u odnosu na važeći zakon izbrisani su izborni oglasi kao predmet činjenja prekršaja jer je u Izbornom zakonu Bosne i Hercegovine, propisana procedura koja se preduzima u cilju sankcionisanja ovog prekršaja.

Član 28. – Propisuje prekršaj "Nepostupanje po naredbama, rješenjima i drugim obavezujućim aktima nadležnih organa". Vrlo značajne odredbe kojima se propisuju prekršaji nepostupanja po naredbama ili rješenjima nadležnih organa koje se u prvom stavu odnose na pristup, kretanje ili zadržavanje na određenom mjestu, a u drugom stavu na mjere zaštite stanovništva od zaraznih bolesti. Postupanje policijskih službenika u odnosu na ove prekršaje uvjetovano je odredbom člana 52. stav (2) Nacrta Zakona kojim se propisuje nadležnost za vršenje nadzora nad primjenom Zakona.

Član 29. – Odredbom ovog člana pod nazivom “Sprječavanje, ometanje ili omalovažavanje državnih organa, preduzeća i drugih pravnih lica ili njihovih službenih, odnosno odgovornih lica”, štite se državni organi, preduzeća odnosno druga pravna lica koja vrše javna ovlaštenja ili njihova službena, odnosno odgovorna lica.

Član 30. – Propisuje se nov prekršaj pod nazivom “Iznošenje ili prenošenje lažnih vijesti i tvrđenja” kojim se štiti javni red i mir, sprovođenje odluka i mjera nadležnih organa i sprečava izazivanje panike kod građana. Predlagač ukazuje na odredbu posljednjeg stava (5) ovog člana kojim je propisano da se prekršaj može počinuti i putem sredstava javnog informisanja, društvenih mreža ili drugih sličnih sredstava elektronske komunikacije.

Član 31. - Propisuje prekršaj “Lažno predstavljanje”.

Član 32. – Propisuje novi prekršaj pod nazivom “Lažno prijavljivanje”. U policijskoj praksi je vrlo česta pojava da određena lica zloupotrebljavaju mogućnost traženja intervencije policije te svjesno vrše prijavljivanje drugih lica (npr. komšije zbog imovinskopravnih odnosa i sl.), iako znaju da to lice nije počinilac prekršaja, pa se izlaskom policije na učestale intervencije uzrokuju bespotrebni troškovi, a lažnim prijavljivanjem nanosi se ugled i šteta prijavljenom licu.

POGLAVLJE III – PREKRŠAJI PROTIV INTERESA MALOLJETNIKA I DRUGIH KATEGORIJA LICA

Član 33. – Propisuje prekršaj pod nazivom “Klađenje maloljetnih lica”, a usmjeren je prema svima koji omogućavaju ili navode lica mlađa od 18 godina da se klade u objektima koji su registrovani za tu vrstu djelatnosti (sportske kladionice). Zaštitni subjekt su maloljetna lica kao osjetljiva kategorija stanovništva.

Član 34. – Propisuje davanje alkoholnih pića ili nargile određenim kategorijama lica. U prvom stavu, koji se odnosi na omogućavanje konzumiranja alkohola, štite se posebne kategorije lica kao što su pijana lica, maloljetnici, duševno oboljela lica ili lica zaostalog duševnog razvoja. Potpuno nov oblik prekršaja kojim se zabranjuje davanje ili na bilo koji način omogućavanje konzumiranja nargile maloljetniku, duševno oboljelom licu ili licu zaostalog duševnog razvoja.

Član 35.- Odredbama ovog člana utvrđuje se “Odgovornost za drugog” (maloljetnike) od strane roditelja, usvojioca, odnosno staraoca.

POGLAVLJE IV – OSTALI PREKRŠAJI PROTIV JAVNOG REDA I MIRA

Član 36. – Propisuje se “Neovlašteno ili neopravdano zalaženje i zadržavanje u prostorima, prostorijama i objektima, uz znatno povećanje iznosa novčane kazne”.

Član 37. – Propisuje se “Neovlašteno fotografisanje ili skiciranje objekata i mjesta” koja su označena kao zabranjena za fotografisanje i skiciranje.

Član 38. – Odredbom člana pod nazivom “Konzumiranje opojne droge ili psihotropnih supstanci” sankcioniše se radnja, odnosno prekršaj konzumiranja opojne droge ili psihotropne supstance na javnom mjestu.

Član 39. – Propisuje se prekršaj “Prikupljanje dobrovoljnih priloga bez odobrenja nadležnog organa”. U uskoj vezi sa ovim članom je i član 51. Nacrta Zakona kojim je propisana procedura za dobijanje odobrenja za prikupljanje dobrovoljnih priloga.

Član 40. – Ovim članom pod nazivom “Postupanje sa životinjama” propisuju se novčane kazne za dva različita prekršaja, ali koji se odnose na postupanje sa životinjama. Prvi stav propisuje novčanu kaznu za lica koje bez nadzora i zaštitnih sredstava drži i vodi opasne ili potencijalno opasne životinje koje drugog mogu prestrašiti ili povrijediti, dok drugi propisuje novčanu kaznu za lica koje na javnom mjestu zlostavlja životinje, odnosno na drugi način sa njima surovo postupaju.

DIO TREĆI – ZAŠTITNE MJERE

Član 41. – Odredbama ovog člana propisuju se “Zaštitne mjere i izricanje zaštitnih mjera”, odnosno taksativno se navode koje zaštitne mjere se mogu izreći okrivljenoj osobi za prekršaj propisan prijedlogom nacrtu Zakona. Drugi i treći stav propisuju osnovne uslove koji ovlašćuju sud, odnosno ovlašteni organ za izricanje zaštitnih mjera koje su detaljno propisane u Zakonu o prekršajima (“Službene novine Federacije BiH”, broj 63/14). Prema odredbama Nacrta Zakona sud može izreći sve navedene zaštitne mjere, a ovlašteni organ samo zaštitnu mjeru oduzimanja predmeta. U odnosu na važeći Zakon, propisuju se dvije nove zaštitne mjere, a to su zabrana javnog istupanja i zabrana pristupa oštećenom, objektima ili mjestu izvršenja prekršaja, što je jedan od vidova usklađivanja se navedenim federalnim zakonom.

Član 42. – Propisuje za koje prekršaje se okrivljenom može izreći zaštitna mjera zabrane vršenja poziva, djelatnosti i dužnosti, a to su prekršaji iz čl. 13., 17., 18., 19., 20., 21., 23., 28., 29., 30., 33., 34., 37., 39. i 40. Zakona.

Član 43. – Propisuje za koje prekršaje se okrivljenom može izreći zaštitna mjera zabrane javnog istupanja, a to su prekršaji iz čl. 24. i 30. Zakona.

Član 44. – Propisuje da se za prekršaj iz člana 38. Zakona okrivljenom može izreći zaštitna mjera liječenja od zavisnosti.

Član 45. – Propisuje za koje prekršaje se okrivljenom može izreći zaštitna mjera zabrane pristupa oštećenom, objektima ili mjeru izvršenja prekršaja, a to su prekršaji iz čl. 10., 11., 14., 15., 16., 17., 18., 19., 20., 22., 24., 28., 31., 32., 33., 34., 36., 37. i 39. Zakona.

Član 46. Propisuje za koje prekršaje se okrivljenom može izreći zaštitna mjera oduzimanja predmeta, a to su prekršaji iz čl. 10., 11., 12., 13., 14., 15., 16., 17., 18., 19., 20., 21., 22., 24., 25., 26., 27., 28., 29., 30., 31., 32., 33., 34., 37., 38., 39. i 40. Zakona.

Član 47. – Propisuje se ovlaštenje policijskim službenicima za “Privremeno oduzimanje predmeta” koje faktički znači da, kada u vršenju službenih poslova i zadataka saznaju za prekršaj propisan Zakonom, policijski službenici mogu privremeno oduzeti predmete koji su upotrijebljeni ili su bili namijenjeni za izvršenje prekršaja ili koji su nastali izvršenjem prekršaja, kao i predmete koji mogu poslužiti kao dokaz u prekršajnom postupku.

Član 48. – Propisuje se “Postupak sa oduzetim predmetima” što je faktički popunjavanje pravne praznine jer je u međuvremenu od strane Vlade Kantona Sarajevo donesena Uredba o smještaju, čuvanju i postupanju sa privremeno oduzetim predmetima od strane policijskih službenika Uprave policije Ministarstva unutrašnjih poslova Kantona Sarajevo (“Službene novine Kantona Sarajevo”, broj 2/20).

Član 49. – Propisuje se potpuno nov član pod nazivom “Nepoštivanje zaštitnih mjera” kojim se sankcionišu prekršiocima zaštitnih mjera iz čl. 42., 43., 44. i 45. Zakona, za vrijeme trajanja zaštitnih mjera.

DIO ČETVRTI – BAKLJADE I VATROMETI I PRIKUPLJANJE DOBROVOLJNIH PRILOGA

Član 50. – Propisuje uvjete pod kojima se mogu priređivati bakljade, vatrometi i slične priredbe, uz jasnije razgraničenje nadležnosti i rokova za postupanje. Nadležni organ za postupanje je nadležna policijska uprava ili Sektor uniformisane policije u Upravi policije.

Član 51. – Propisuje uvjete pod kojima se može vršiti prikupljanje dobrovoljnih priloga, uz dodatno preciziranje u odnosu na odredbe važećeg Zaakona. Nadležni organ za postupanje je načelnik nadležne općine.

DIO PETI – PRIJELAZNE I ZAVRŠNE ODREDBE

Član 52. – Propisuje “Nadležnost za vršenje nadzora nad primjenom zakona”, a to su policijski službenici Uprave policije, čime se popunjava dosadašnja pravna praznina. U cilju sprečavanja pojave sukoba nadležnosti ili nenadležnog postupanja, posebno se u stavu (2) propisuje kada policijski službenici Uprave policije imaju obavezu postupati po naredbi ili rješenju nadležnog organa, a to je samo ako su navedenim pravnim aktima izričito ovlašteni za postupanje, u kom slučaju imaju mogućnost primjene policijskih ovlaštenja (npr. izdavanje prekršajnog naloga)..

Član 53. – Odredbom ovog člana propisuje se “Ovlaštenje i obaveza drugih organa za donošenje podzakonskih propisa” (gradsko, odnosno općinska vijeća), a rok je tri mjeseca od dana stupanja na snagu Zakona.

Član 54.-Propisuje okončanje postupaka, odnosno da će se postupci koji do dana stupanja na snagu ovog zakona nisu okončani završiti po odredbama zakona koji je bio na snazi u vrijeme pokretanja postupka.

Član 55. – Propisuje “Prestanak važenja ranijeg zakona”, usljed stupanja na snagu novog Zakona, a to je Zakon o prekršajima protiv javnog reda i mira (“Službene novine Kantona Sarajevo”, br. 18/07, 7/08 i 34/20).

Član 56. – Propisuje “Stupanje na snagu zakona”, a to je osmog dana od dana objavljivanja u “Službenim novinama Kantona Sarajevo”.

IV - FINANSIJSKA SREDSTVA POTREBNA ZA PROVOĐENJE OVOG ZAKONA

Sastavni dio ovog djela obrazloženja je Obrazac Izjave o fiskalnoj procjeni - Obrazac IFP-DA koji je sačinjen u skladu sa Pravilnikom o proceduri za izradu Izjave o fiskalnoj procjeni zakona, drugih propisa i akata planiranja na budžet ("Službene novine Federacije BiH", broj: 34/16 i 15/18).

OBRAZAC IZJAVE O FISKALNOJ PROCJENI

Obrazac IFP-DA

KOD	1702	NAZIV	MINISTARSTVO UNUTRASNJIH POSLOVA KANTONA SARAJEVO - UPRAVA POLICIJE
NAZIV	1702	ODJEL	ODJEL ZA VEŠTAČENJE I PLANIRANJE
VRSTA PROJEKTA	1702	OPREMA	OPREMA ZA VEŠTAČENJE I PLANIRANJE
NAZIV PROJEKTA	1702	OPREMA	OPREMA ZA VEŠTAČENJE I PLANIRANJE
OPREMA	1702	OPREMA	OPREMA ZA VEŠTAČENJE I PLANIRANJE

KOD	NAZIV	OCJENJIVANI PRIHODI I PRIMICI U TEKUĆOJ GODINI n-1					OCJENJIVANI PRIHODI I PRIMICI U TEKUĆOJ GODINI n-2									
		Budžet	Namjenski izvori	Ostali izvori	Budžet	Namjenski izvori	Ostali izvori	Budžet	Namjenski izvori	Ostali izvori	Ukupni prihodi i primici nakon provedenja					
711000	Porezi na dobiti poljoprivrednika i obradivica	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
712000	Doprinosi za socijalnu zaštitu	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
713000	Porezi na plaću i plaću slugu	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
714000	Porezi na imovinu	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
715000	Doprinosi porezi na dobit i usluge (zaostale obaveze na osnovu poreza)	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
716000	Porezi na dobitak	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
717000	Porezi od individualnih poreza	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
718000	Ostali porezi	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
721000	Imovine i prihodi od pozajmih i kurznih razlika	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
722000	Naknade i transferi prihodi od pružanja javnih usluga	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
723000	Naknade i transferi (neporezne prihode)	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
731000	Primljeni transferi od inostranih vlada i međunarodnih organizacija	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
732000	Primljeni transferi od ostalih izvora vlasti	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
733000	Donacije	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
741000	Primljeni kapitalni transferi od inostranih vlada i međunarodnih organizacija	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
742000	Kapitalni transferi od ostalih izvora	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
771000	Prihodi po osnovu zadržanih obaveza	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
780000	Prihodi od imovinskih transakcija	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
811000	Kapitalni primici od prodaje stalnih sredstava	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
813000	Primici od likvidacije imovine	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
814000	Primici od likvidacije zaduženja	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
815000	Primici od likvidacije zaduženja	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
UKUPNO PRIHODI I PRIMICI		70.800,00	70.800,00	0,00	0,00	0,00	70.800,00	0,00	0,00	0,00	0,00	70.800,00	0,00	0,00	0,00	70.800,00

KOD	NAZIV	TROŠKOVI PROVOĐENJA U TEKUĆOJ GODINI n-1					TROŠKOVI PROVOĐENJA U TEKUĆOJ GODINI n-2									
		Budžet	Namjenski izvori	Ostali izvori	Budžet	Namjenski izvori	Ostali izvori	Budžet	Namjenski izvori	Ostali izvori	Ukupna potrošnja sredstava za provedenje					
611000	Plaće i naknade troškova zaposlenih	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
612000	Doprinosi poslodavca i ostali doprinosi	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
613000	Usluge	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
614000	Tekući transferi drugoj tekućoj osnovi	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
615000	Kapitalni transferi	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
616000	Izdaci za kamate	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
617000	Izdaci od imovinskih transakcija	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
621000	Izdaci za nabavu stalnih sredstava	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
622000	Izdaci za nabavu stalnih sredstava	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
623000	Izdaci za opreme dugova	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
UKUPNO TROŠKOVI PROVOĐENJA		0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00

Opisanih troškova provedenja u tekućoj godini n-1 i n-2, odnosno povučati prihode u Budžetu Kantona Sarajevo.

4.004.300

TEMA	SISTEMATIZOVANO			PLANIRANO BUDŽETOM			TRENUTNO STANJE			POTREBNO		
	Postojeće stavke (n)	n+1	n+2	Prilagodbe stavke (n)	n+1	n+2	Postojeće stavke (n)	n+1	n+2	Postojeće stavke (n)	n+1	n+2
Osnovni podaci Naziv: 5. Pribitak, javne obaveze za budžet Naziv: NAZIV Garancije Ostalo												
E-6. Fiskalni efekti na druge nivoe vlasti Naziv Budžet BiH, vanbudžetski fondovi i korisnici Budžet Federacije Bosne i Hercegovine, Federalni vanbudžetski fondovi i korisnici Budžet kantona, vanbudžetski fondovi i korisnici Budžet Brčko distrikta Bosne i Hercegovine Jedinice lokalne samouprave (općine i gradovi)												
F-7. Pečati i potpis odgovornog lica obavljača, odnosno predlagача propisa												
							Mjesto i datum					
							SARAJEVO		19 1-06-2023			



FATMIR HADŽIĆEVIC

OBRAZLOŽENJE OBRASCA IZJAVE O FISKALNOJ PROCJENI (IFP-DA) na Nacrt zakona o prekršajima protiv javnog reda i mira na području Kantona Sarajevo

Za provođenje ovog Zakona nije potrebno obezbijediti dodatna finansijska sredstva, već se njegovim provođenjem može očekivati povećanje prihoda u Budžetu Kantona Sarajevo po osnovu naplaćenih novčanih kazni. Zakon predviđa povećanje većine propisanih novčanih kazni, ali propisuje i novčane kazne za utvrđene nove prekršaje.

Analizom broja izrečenih novčanih kazni, u skladu sa važećim Zakonom o prekršajima protiv javnog reda i mira na području Kantona Sarajevo i Zakonom o izmjenama i dopunama Zakona o prekršajima protiv javnog reda i mira na području Kantona Sarajevo, prema podacima iz baze Registra novčanih kazni, utvrđeno je procentualno učešće pojedinih vrsta prekršaja u ukupnom broju evidentiranih prekršaja protiv javnog reda i mira u Kantonu Sarajevo. Na osnovu procentualnog učešća pojedinih prekršaja procijenjen je uticaj povećanja iznosa pojedinih novčanih kazni, kao i očekivani uticaj propisanih novih novčanih kazni.

Iako je prevashodni cilj izvršenih izmjena preventivno djelovanje, očekuje se da će njegova primjena imati uticaj na Budžet Kantona Sarajevo u smislu povećanja prihoda po osnovu naplaćenih novčanih kazni. Uzimajući u obzir podatak o iznosu naplaćenih kazni iz baze Registra novčanih kazni, procijenjeno je da bi primjena predloženog Zakona o prekršajima protiv javnog reda i mira na području Kantona Sarajevo, mogla uticati na povećanje prihoda od naplaćenih novčanih kazni u tekućoj godini (n), (n+1) i (n+2) godini.



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/1-60/23

Datum: 21.02.2023. godine

MINISTARSTVO UNUTRAŠNJIH POSLOVA KANTONA SARAJEVO
-N/R MINISTRA

PREDMET : Nacrt zakona o prekršajima protiv javnog reda i mira, korigovani tekst i dr., d o s t a v l j a s e . -

VEZA : Vaš akt broj: 01-9-02-6329/20 od 15.02.2023. godine

U vezi Vašeg akta, broj i datum gornji, u prilogu Vam dostavljamo korigovani Nacrt zakona o prekršajima protiv javnog reda i mira sa obrazloženjima i ovjeren obrazac Izjave o fiskalnoj procjeni (IFP-obrazac) u pisanoj i elektronskoj formi (na CD-u).

Informišemo Vas da je Mišljenje Ureda za zakonodavstvo Kantona Sarajevo broj: 09-02-2615/23 od 09.02.2023. godine u cjelosti prihvaćemo i otklonjene su primjedbe normativno-tehničke prirode, kao i primjedbe koje se odnose na pojam „preduzeće“, „imalac radnje“ i „lice kome je povjereno vođenje radnje“, te su s tim u vezi nužno izvršene dodatne intervencije i to:

- u članu 7. stav (1) tačka c),
- u članu 19. st. (2) i (3),
- u članu 20. st. (2) i (3),
- u članu 21. st. (3) i (4),
- u članu 32. st. (2) i (3) i
- u članu 39. st. (2) i (3).

Mišljenje Ministarstva pravde i uprave Kantona Sarajevo broj: 03-04-02-2622/23 od 06.02.2023. godine, koje se odnosi na član 13. stav (2) i član 24. stav (1) je također uvaženo, tako što su u članu 13. brisani st. (2), (3) i (4), a u članu 24. promijenjen je stav (1) koji sada glasi: „Ko na javnom mjestu iz mržnje vrijeđa osjećanje građana i time izazove njihovu nelagodu ili uznemirenost, kaznit će se novčanom kaznom od 600 do 1.800 KM“. Cijenimo da smo na ovaj način preciznije tekstualno normirali prekršaje u odnosu na iznesene primjedbe da bi ovi članovi mogli sadržavati obilježja krivičnih djela.

Nadalje, uvažena je primjedba povodom zahtjeva da se uvrste odredbe koje regulišu slučajeve, odnosno postupke koji do dana stupanja na snagu propisa nisu pravomoćno okončani, tako što je izvršena intervencija normiranjem novog člana 55. zakona (Prestanak važenja ranijeg propisa) koji glasi „Postupci koji do dana stupanja na snagu ovog zakona nisu okončani završice se po odredbama zakona koji je bio na snazi u vrijeme pokretanja postupka“.

Smatramo da i član 6. zakona (Postupak u prekršajnim i krivičnim predmetima kada postoji mogućnost povrede načela „ne bis in idem“), obzirom na aktuelnost problematike i postupanja u praksi, svakako treba biti propisan, s tim da smo u tekstu odredbe brisali broj i datum predmetnog uputstva, koje Vam dostavljamo u prilogu ovog akta, uz konstataciju da isto nije objavljeno u Službenim novinama Kantona Sarajevo, niti na zvaničnoj WEB stranici MUP Kantona Sarajevo.

S poštovanjem,

PRILOZI :

- Korigovani Nacrt zakona o prekršajima protiv javnog reda i mira,
- Obrazloženje x 1,
- Dopuna obrazloženja x 2,
- Akt Uprave policije MUP-a Kantona Sarajevo broj: 02/PK-193-2/16 od 11.10.2016. godine sa Uputstvom za postupanje u krivičnim i prekršajnim predmetima u situacijama kada postoji mogućnost povrede načela „ne bis in idem“ broj 01-419/16 od 10.10.2016. godine.
- Obrazac Izjave o fiskalnoj procjeni (IFP-obrazac) i
- „CD“.



POLICIJSKI KOMESAR
Generální inspektor policije

Nusret Selimović

713/wic

12-4-9

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

1631
12-10-2016

1. u. Unifikacija
14. Sednica
12.10.16.0

Broj: 02/PK-193-2/16
Dana: 11.10.2016. godine

Zodono
17.10.16

Drijadi u Regist
i od L. u
Bibliotek

- MUP KANTONA SARAJEVO
- KABINET MINISTRA – ministru za Informaciju
- Sekretaru Ministarstva
- UPRAVA ADMINISTRACIJE I PODRŠKE - direktorici
- UPRAVA POLICIJE
- URED POLICIJSKOG KOMESARA
- Odjeljenje za odnose s javnošću - načelniku
- Jedinica za specijalističku podršku - komandiru
- SEKTOR UNIFORMISANE POLICIJE - načelniku
- SEKTOR KRIMINALISTIČKE POLICIJE - načelniku
- SEKTOR ZA PRAVNE, KADROVSKE, LOGISTIČKE POSLOVE, EDUKACIJU I ANALITIKU - načelniku
- JEDINICA ZA PROFESIONALNE STANDARDE - načelniku
- PRVA, DRUGA, TREĆA, ČETVRTA I PETA POLICIJSKA UPRAVA - načelniku

PREDMET: Uputstvo za postupanje u krivičnim i prekršajnim predmetima u situacijama kada postoji mogućnost povrede načela ne bis in idem, dostavlja se.-

U prilogu vam na primjenu dostavljamo Uputstvo za postupanje u krivičnim i prekršajnim predmetima u situacijama kada postoji mogućnost povrede načela ne bis in idem.

Uputstvo je sačinjeno u saradnji Jedinice za profesionalne standarde i Sektora kriminalističke policije prema modelu koji je sačinjen od strane radne grupe na nivou Bosne i Hercegovine, kao i već donesenog Uputstva po istoj problematici od strane Federalnog tužilaštva Federacije Bosne i Hercegovine.

Donošenjem Uputstva se ustanovljava praksa i precizira primjena načela ne bis in idem, uz napomenu da donošenjem istog nisu obuhvaćene odredbe zakonodavstva u pogledu dozvoljenog ponavljanja postupka, nego se pojašnjava postupanje policijskih službenika u situacijama kada postoji mogućnost povrede pomenutog načela.

Potrebno je putem radnih sastanaka, otprera smjena ili na drugi adekvatan način upoznati policijske službenike s odredbama Uputstva, nakon čega se isto treba primjenjivati u skladu s preciziranim procedurama.

PRILOG: Kao u tekstu.-



Na osnovu člana 21. stav (2) tačka e), u u vezi s članom 23. stav (3) tačka d), Zakona o unutrašnjim poslovima Kantona Sarajevo ("Službene novine Kantona Sarajevo", broj: 1/16), na prijedlog policijskog komesara, ministar Ministarstva unutrašnjih poslova Kantona Sarajevo d o n o s i

U P U T S T V O

za postupanje u krivičnim i prekršajnim predmetima u situacijama kada postoji mogućnost povrede načela ne bis in idem

DIO PRVI – OPĆE ODREDBE

Član 1. (Predmet)

Ovim Uputstvom se propisuje način postupanja i saradnje ovlaštenih službenih osoba nadležnih organizacionih jedinica Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije) u krivičnim i prekršajnim predmetima u situacijama kada postoji mogućnost povrede načela ne bis in idem (Niko ne može biti ponovno suđen za djelo za koje je već bio suđen i za koje je donesena pravomoćna sudska odluka).

Član 2. (Organizacione jedinice nadležne za postupanje)

U skladu s odredbama Uputstva za postupanje u krivičnim i prekršajnim predmetima kada postoji mogućnost povrede načela ne bis in idem (u daljnjem tekstu: Uputstvo) dužne su postupati sve organizacione jedinice Uprave policije koje, u okviru svog djelokruga rada, primjenjuju krivično i prekršajno zakonodavstvo.

DIO DRUGI – NAČIN POSTUPANJA

Član 3. (Obavještavanje tužioca)

Ovlaštena službena osoba će, po saznanju da jedan događaj istovremeno ima obilježje krivičnog djela i prekršaja, odmah obavjestiti nadležnog tužioca u cilju donošenja naredbe o sprovođenju istrage ili naredbe o nesprovođenju istrage i neće preduzimati radnje u cilju pokretanja prekršajnog postupka (izdavanje prekršajnog naloga ili podnošenje zahtjeva za pokretanje prekršajnog postupka) do donošenja odluke tužioca, o čemu će sačiniti službenu zabilješku.

Član 4. (Pokretanje prekršajnog postupka)

Pored obavještavanja iz člana 3. ovog Uputstva, ovlaštena službena osoba će obavjestiti tužioca da su ispunjeni uslovi za pokretanje prekršajnog postupka, kao i da se prekršajni postupak neće pokretati do donošenja odluke tužioca.

Član 5.**(Hitnost u postupanju nadležnog tužioca)**

Nadležni tužilac će, u skladu s odredbama tačke III. Uputstva za postupanje u krivičnim i prekršajnim predmetima u situacijama kada postoji mogućnost povrede načela ne bis in idem, broj A-473/16 od 08.09.2016. godine donesenog od strane Glavnog federalnog tužioca Federalnog tužilaštva Federacije Bosne i Hercegovine, nakon prijema obavještenja iz člana 3. ovog Uputstva u što kraćem roku, vodeći računa o rokovima zastarjelosti za pokretanje i vođenje prekršajnog postupka, donijeti naredbu o sprovođenju istrage ili naredbu o nesprovođenju istrage i istu dostaviti nadležnoj organizacionoj jedinici Uprave policije, a u složenijim slučajevima naredbu će donijeti najkasnije u roku od šest mjeseci od dana kada je izvršeno krivično djelo/prekršaj.

Član 6.**(Pokretanje prekršajnog postupka u slučaju donošenja naredbe o nesprovođenju istrage)**

Po dobijanju naredbe o nesprovođenju istrage iz člana 5. ovog Uputstva, ovlaštena službena osoba ili nadležna organizaciona jedinica Uprava policije će pokrenuti prekršajni postupak putem izdavanja prekršajnog naloga ili podnošenjem zahtjeva za pokretanje prekršajnog postupka.

Član 7.**(Postupanje u slučaju kada se tokom prekršajnom postupka utvrdi da događaj ima obilježje krivičnog djela)**

Ukoliko se, nakon podnošenja zahtjeva za pokretanje prekršajnog postupka ili nakon izdavanja prekršajnog naloga i zatraženog sudskog odlučivanja, naknadno utvrdi da isti događaj ima obilježje i krivičnog djela, ovlaštena službena osoba, odnosno nadležna organizaciona jedinica Uprave policije, će prije okončanja prekršajnog postupka poduzeti mjere iz člana 3. ovog Uputstva i o tome odmah pismenim putem obavjestiti nadležni sud za prekršaje u cilju odgađanja prekršajnog postupka do donošenja odluke tužioca.

Član 8.**(Preduzimanje radnji dokazivanja)**

U slučaju da se radi o događaju iz člana 3. ovog Uputstva ovlaštena službena osoba nadležne organizacione jedinice Uprave policije će, u skladu s odredbama krivičnoprocesnih zakona, preduzeti radnje dokazivanja pod nadzorom tužioca, a kada postoji opasnost od odgađanja i u drugim slučajevima propisanim odredbama krivičnoprocesnih zakona, ovlaštena službena osoba će samostalno preduzeti radnje dokazivanja uz naknadno obavješćavanje tužioca.

Član 9.**(Lišenje slobode)**

Lice za koje postoje osnovi sumnje da je izvršilo krivično djelo/prekršaj, kao i za koje postoje razlozi za određivanje pritvora, ovlaštena službena osoba može lišiti slobode i o razlozima i vremenu lišenja slobode će obavjestiti tužioca.

Član 10.**(Mjere za obezbjeđivanje prisustva lica pred sudom za prekršaje)**

Ukoliko lice lišeno slobode tužilac pusti na slobodu i donese naredbu o nesprovođenju istrage ili u slučaju da je lice lišeno slobode pušteno na slobodu nakon sprovedene istrage i donesene naredbe o obustavi istrage, ovaštena službena osoba nadležne organizacione jedinice Uprave policije može, radi obezbjeđenja prisustva u sudu za prekršaje lica koje je osnovano sumnjivo da je učinilo prekršaj, poduzeti zakonom propisane mjere pri čemu će posebnu pažnju obratiti na okolnosti da li je lice nastanjeno van Bosne i Hercegovine ili privremeno boravi u inostranstvu, a postoji sumnja da može pobjeći kako bi izbjeglo odgovornost za prekršaj.

DIO TREĆI – ZAVRŠNE ODREDBE

Član 11. (Stupanje na snagu)

Ovo Uputstvo stupa na snagu narednog dana od dana njegovog donošenja.

Broj: 01-419/16

Dana: 10-10-2016



MINISTAR

[Redacted Signature] an Mulabdić




24-04-2023
291

Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-03-11-5913-2/23 MD
Sarajevo, 17.04.2023. godine



KANTON SARAJEVO
MINISTARSTVO UNUTRAŠNJIH POSLOVA

Predmet: Mišljenje na Nacrt Zakona o prekršajima protiv javnog reda i mira na području Kantona Sarajevo;

Veza: Vaš dopis, broj: 01-9-02-6329-3/20 od 12.04.2023. godine;

Vežano za vaš zahtjev za mišljenje na Nacrt Zakona o prekršajima protiv javnog reda i mira na području Kantona Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj 34/16 i 15/18), dajemo sljedeće mišljenje:

Ministarstvo unutrašnjih poslova je postupilo u skladu sa navedenim Pravilnikom i Ministarstvu finansija uz Prijedlog Zakona dostavilo na mišljenje popunjen i potpisan obrazac IFP-DA sa obrazloženjem, u kojem je data sljedeća izjava: “Sastavni dio ovog Obrascu je Obrazloženje Izjave o fiskalnoj procjeni IFP DA, s obzirom da će provođenje ovog Zakona proizvesti dodatne fiskalne efekte, odnosno povećati prihode u budžetu Kantona Sarajevo”.

U obrascu izjave o fiskalnoj procjeni vidljivo je da će realizacija Nacrt Zakona o prekršajima protiv javnog reda i mira na području Kantona Sarajevo u tekućoj 2023. godini rezultirati porastom prihoda u iznosu 70.800 KM, u 2024. godini 70.800 KM, te u 2025. godini 70.800 KM. Obzirom da će realizacija navedenog Zakona dovesti do porasta prihoda, Ministarstvo finansija, sa aspekta fiskalnog učinka na budžet, **nema primjedbi**.

Ovim Mišljenjem se stavlja van snage Mišljenje broj: 08-03-11-5913/23 MD od 09.03.2023. godine.

Ovo mišljenje je dato u skladu sa odredbama Prijedloga Zakona koji se obrađuje i podataka navedenih u Obrascu IFP-DA Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.



Dostaviti:

1. Naslovu
2. MF – Sektor za budžet i fiskalni sistem
3. a/a

Pripremila: Mensura Drakovac, BA menadžmenta
Kontrolisala: Amina Močević, mr. oec.



Broj: 03-04-02-2622/23
Sarajevo, 06.02.2023. godine

MINISTARSTVO UNUTRAŠNJIH POSLOVA
gosp. Admir Katica, ministar

PREDMET: Mišljenje na nacrt Zakona o prekršajima protiv javnog reda i mira na području Kantona Sarajevo, dostavlja se—
VEZA: Vaš akt, broj: 01-9-02-6329-1/20 od 26.01.2023.godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17, 2/18-Ispravka i 32/22), Ministarstvo pravde i uprave razmotrilo je dostavljeni nacrt Zakona i daje sljedeće

MIŠLJENJE

U članu 1. Nacrta Zakona o prekršajima protiv javnog reda i mira na području Kantona Sarajevo, između ostalog propisano je da se ovim zakonom utvrđuju prekršaji protiv javnog reda i mira i prekršajne sankcije.

U drugom dijelu nacrta Zakona, u prvom poglavlju, utvrđeni su osnovni prekršaji protiv javnog reda i mira, gdje je u članu 13. stav (2) propisano sljedeće:

„Ko organizuje prostituciju ili drugog navodi na prostituciju ili ko proda, iznajmi, odnosno ustupi stan ili druge prostorije ili vozilo za vršenje prostitucije, kazniće se novčanom kaznom od 600 do 1.800 KM.“ U članu 210. Krivičnog zakona Federacije Bosne i Hercegovine („Službene novine Federacije Bosne i Hercegovine“, br. 36/03, 21/04 – Ispravka, 69/04, 18/05, 42/10, 42/11, 59/14, 76/14, 46/16 i 75/17), propisano je krivično djelo „navođenje na prostituciju“:

„(1) Ko radi zarade ili druge koristi navodi, potiče ili namamljuje drugog na pružanje seksualnih usluga ili na drugi način omogući njegovu predaju drugome radi pružanja seksualnih usluga, ili na bilo koji način učestvuje u organiziranju ili vođenju pružanja seksualnih usluga, bit će kažnjen kaznom zatvora od šest mjeseci do pet godina.“

S tim u vezi, ukazujemo da navedeni prekršaj u članu 13. stav (2) ima obilježja krivičnog djela „navođenje na prostituciju“, što nije u skladu sa članom 2. stav (1) Zakona o prekršajima („Službene novine Federacije Bosne i Hercegovine“, broj 63/14) u kojem je propisano da:

„Prekršaj predstavlja kršenje propisa, javnog poretka ili drugih društvenih vrijednosti koje nisu zaštićene kaznenim zakonima i drugim zakonima u kojima su propisana kaznena djela, kao i kršenje drugih propisa kojima su određena obilježja prekršaja i za koje su propisane sankcije.“

Isti je slučaj i u članu 24. stav (1) nacrta Zakona, gdje je kao prekršaj propisano sljedeće: „Ko na javnom mjestu vrijeđa vjersko, nacionalno, rasno i spolno osjećanje građana, kazniće se novčanom kaznom od 600 do 1.800 KM“, dok je u Krivičnom zakonu Federacije Bosne i

Hercegovine u članu 163. propisano krivično djelo "izazivanje narodnosne, rasne i vjerske mržnje, razdora ili netrepeljivosti":

„(1) Ko javno izaziva ili raspaljuje narodnosnu, rasnu ili vjersku mržnju, razdor ili netrepeljivost među konstitutivnim narodima i ostalima koji žive u Federaciji, kaznit će se kaznom zatvora od tri mjeseca do tri godine.“

Također, ukazujemo da u slučaju propisivanja ovakvih odredbi, može doći do povrede člana 4. Protokola broj 7. uz Konvenciju o zaštiti ljudskih prava i osnovnih sloboda, u kojem je utvrđeno pravo da se ne bude suđen ili kažnjen dva puta po istom predmetu kao i člana 14. stav (7) Međunarodnog pakta o građanskim i političkim pravima, u kojem je utvrđeno da „se niko ne smije ponovo progoniti ili kažnjavati za djelo za koje je bio konačno osuđen ili oslobođen u skladu sa zakonom i kaznenim postupkom bilo koje zemlje“, a uzimajući u obzir presudu Evropskog suda za ljudska prava, predmet *Maresti protiv Hrvatske*, u kojoj je Sud utvrdio da je došlo do povrede načela "ne bis in idem", te da je podnositelju zahtjeva suđeno dva puta za isto djelo (u krivičnom i prekršajnom postupku).

Vezano za navedeno, u članu 6. nacrtu Zakona propisali ste da u situacijama kada postoji mogućnost povrede načela "ne bis in idem", policijski službenik nadležne organizacione jedinice Uprave policije Ministarstva unutrašnjih poslova Kantona Sarajevo postupuje u skladu sa odredbama Uputstva za postupanje u krivičnim i prekršajnim predmetima kada postoji mogućnost povrede "načela ne bis in idem", broj 01-419/16 od 10.10.2016. godine. Napominjemo da Uputstvo niste dostavili uz nacrt Zakona, kao i to da nije naveden broj "Službenih novina Kantona Sarajevo" u kojima je Uputstvo objavljeno, niti je Uputstvo objavljeno na zvaničnoj web stranici Ministarstva unutrašnjih poslova Kantona Sarajevo, kako bi ovo Ministarstvo imalo uvid u tekst Uputstva, s obzirom da isto ima za cilj da spriječi eventualnu povredu načela "ne bis in idem", čija je zaštita predviđena u članu 4. Protokola broj 7. uz Konvenciju o zaštiti ljudskih prava i osnovnih sloboda.

Napominjemo da u nacrtu Zakona, u prelaznim odredbama, niste uvrstili odredbe koje regulišu slučajeve, odnosno postupke koji do dana stupanja na snagu propisa nisu pravomoćno okončani, a shodno članu 18. Pravila i postupaka za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj 71/14).

Nakon što dostavite korigovan materijal shodno ovom mišljenju, ovo ministarstvo će dati konačno mišljenje na nacrt Zakona o prekršajima protiv javnog reda i mira na području Kantona Sarajevo.

S poštovanjem,

Dostaviti:

1. Naslovu;
2. a/a.





17-03-2023

621.

17-03-2023
191.

01-9

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-2622-1/23
Sarajevo, 15.03.2023. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA

17-03-2023

Priloga	
Org. za	
Opis	

01-9-02-6329-2/20

MINISTARSTVO UNUTRAŠNJIH POSLOVA
gosp. Admir Katica, ministar

PREDMET: Konačno mišljenje na nacrt Zakona o prekršajima protiv javnog reda i mira na području Kantona Sarajevo, dostavlja se –
VEZA: Vaš akt, broj: 01-9-02-6329-2/20 od 02.03.2023.godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 8. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 – Drugi novi prečišćeni tekst, 2/18 – Ispravka i 32/22), a nakon dostavljenog korigovanog nacrtu Zakona shodno mišljenju Ministarstva pravde i uprave, broj: 03-04-02-2622/23 od 06.02.2023. godine, Ministarstvo pravde i uprave razmotrilo je dostavljeni nacrt Zakona i daje sljedeće

KONAČNO MIŠLJENJE

Nacrt Zakona o prekršajima protiv javnog reda i mira na području Kantona Sarajevo je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.





13-02-2023

353.

14-02-2023

111.

Broj: 09-02-2615/23
Sarajevo, 09.02.2023. godine

KANTON SARAJEVO
MINISTARSTVO UNUTRAŠNJIH POSLOVA

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Primljeno:	13-02-2023	Redni broj	Broj priloga
Org. jed.	Klasif. oznaka		
01	02-2-639/10		

PREDMET: Stručno mišljenje na nacrt Zakona o prekršajima protiv javnog reda i mira na području Kantona Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje sljedeće

MIŠLJENJE

1. Ured za zakonodavstvo Vlade Kantona Sarajevo (u daljem tekstu:Ured) nakon izvršene pravne analize dostavljenog teksta nacrta Zakona o prekršajima protiv javnog reda i mira na području Kantona Sarajevo (u daljem tekstu:Zakon) konstatuje sljedeće:

1.1. prilikom propisivanja novčanih kazni nije potrebno posebno izdvajati preduzeća, s obzirom da je Zakonom o prekršajima ("Službene novine Federacije Bosne i Hercegovine", broj 63/14) propisano da prekršaj mogu počinuti fizička i pravna lica.

1.2. u čl. 18. st. (4) i (5), čl. 23., čl. 27. st. (2) i (3), čl. 28. st. (3) i (4), čl. 29. st (3) i (4) i čl. 34. st. (3) i (4) nacrta Zakona, gdje se koriste pojmovi "imalac radnje" i "lice kome je povjereno vođenje radnje", potrebno je iste pojmove usaglasiti sa članom 22. stav (6) Zakona o prekršajima, gdje se koristi pojam "osoba koja obavlja samostalnu poslovnu djelatnost-obrt".

2. Primjedbe normativno-tehničke prirode na dostavljeni tekst nacrta Zakona:

2.1. u članu 5. potrebno je ispravno označiti stavove.

2.2. u članu 7. tačka cc) riječ: "životinja" pisati u jednini.

2.3. u članu 14. stav (4) iza riječi:"kaznom", dodati "od".

2.4. u članu 22. stav (3) brisati riječ: "na", s obzirom da se spominje dva puta.

2.5. u članu 27. stav (3) pravilno pisati riječ:"stav" u odgovarajućem padežu.

2.6. u članu 33. brisati oznaku stava (4).

2.7. u članu 35. stav (5) dio teksta iza riječi:"lice" preformulisati tako da glasi: "je bilo u mogućnosti da", a ostali dio teksta ostaje isti.

2.8. u članu 44. na kraju teksta pisati interpunkcijski znak "tačka".

2.9. u članu 48. pisati tačan broj "Službenih novina Kantona Sarajevo" u kojima je objavljena Uredba o smještaju, čuvanju i postupanju sa privremeno oduzetim predmetima od strane policijskih službenika Uprave policije Ministarstva unutrašnjih poslova Kantona Sarajevo, tako da umjesto broja: "2/20" piše broj: "42/19".

2.10. u članu 50. stav (9) brisati riječ: "Ministarstva".

2.11. u članu 51. stav (7) iza riječi: "izjaviti" pisati riječ: "žalba", te u nastavku teksta ovog stava pravilno pisati riječi: "Drugostepenoj" i "podnesenoj".

2.12. naziv člana 54. preformulisati tako da isti glasi: (Prestanak važenja ranijeg propisa).

2.13. u nazivu člana 55. brisati riječ: "zakona".

3. U skladu sa odredbama Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Drugi novi prečišćeni tekst, 2/18-Ispravka i 32/22) nosilac pripreme predmetnog materijala dužan je da, u roku od sedam dana od dana prijema ovog mišljenja, dostavi pismeno izjašnjenje Uredu za zakonodavstvo Vlade Kantona Sarajevo o primjedbama iz tač. 1.1. i 1.2. ovog mišljenja kako bi Ured mogao dati konačno mišljenje, te otkloni primjedbe normativno-tehničke prirode iz tačke 2. ovog mišljenja.

Dostaviti:

1. Naslovu
2. Evidencija
3. Arhiva



URED ZA ZAKONODAVSTVO VLAD E KANTONA SARAJEVO

Adis Bisić, dipl. pravnik

09-03-2023
161.

Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo Vlade Kantona
Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Уред за законодавство Владе
Кантона Сарајево

09-03-2023
540.

Bosnia and Herzegovina
Federation of Bosnia and Herzegovina
CANTON SARAJEVO
Office for Legislature of Sarajevo Canton
Government

01-9



Broj: 09-02-2615-2/23
Sarajevo, 09.03.2023. godine

KANTON SARAJEVO
MINISTARSTVO UNUTRAŠNJIH POSLOVA

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO
09-03-2023

Primljeno:	Klasifikacija	Broj priloga
01-	02-6329/20	

PREDMET: Konačno mišljenje na nacrt Zakona o prekršajima protiv javnog reda i mira na području Kantona Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. stav (8) Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

KONAČNO MIŠLJENJE

1. Ured za zakonodavstvo Vlade Kantona Sarajevo (u daljem tekstu:Ured) nema primjedbi na dostavljeni tekst nacrta Zakona o prekršajima protiv javnog reda i mira na području Kantona Sarajevo (u daljem tekstu:Zakon) po pitanju njegove usklađenosti sa odredbama ustava i drugih pozitivno-pravnih propisa koji su navedeni u tekstu nacrta Zakona i obrazloženju predmetnog materijala.

Nacrt Zakona može poslužiti kao polazna osnova za pripremu prijedloga ovog propisa.

2. Ured konstatuje da je Ministarstvo unutrašnjih poslova Kantona Sarajevo, kao nosilac pripreme nacrta Zakona, postupilo po primjedbama iz tač. 1.1. i 1.2. mišljenja Ureda, akt broj: 09-02-2615/23 od 09.02.2023. godine, te otklonilo primjedbe normativno-tehničke prirode iz tačke 2. navedenog mišljenja Ureda.

3. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst, 2/18-Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



PO OVLASTENJE VLADE KANTONA SARAJEVO

Adis Bisić, dipl. pravnik



IZVOD IZ USTAVA KANTONA SARAJEVO

Član 18

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) *(brisanio)*
- d) utvrđuje politiku i donosi programe razvoja Kantona;
- e) potvrđuje Vladu Kantona;
- f) i g) *(brisanio)*
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općinu, Grad i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
Sarajevo

Po ovlaštenju
Esad Hrvaičić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev